

列
朝
詩
集

列朝詩集

閩集第二

高僧二十一

夢觀仁公七十一首

止庵祥公一百七十二首

夢堂噩公二首

道原衍公三十二首

九臯聲公六十一首

空室愠公一十一首

韓履祥一首

古庭學公三首

完璞琦公二十五首

香嚴澄公一十二首

雪梅和尚三首

名僧三十五人

古春蘭公二十二首

同庵簡公八首

用堂榘公一首

西白金公四首

天淵濬公二首

存翁則公五首

竺隱道公五首

樸隱澗公三首

海舟慈公六首

朽庵林公一十五首

玉芝聚公七首

大章填公一首

楚材杞公一首

無方一首

復初恆公三首

淨圭二首

懷海一首

古明慧公二首

志瓊中公一首

象元淑公一首

觀白一首

古心淳公一首

法智二首

文謙一首

曉庵倡和詩一十首

竺庵回公一首

雪江文公三十五首

魯山泰公一十二首

秋江湛公七首

大魏倫公一首

本虛讓公二首

石窗珉公一首

妙規圓公一首

月舟明公一首

定徵一首

善祐一首

月庵原公一首

破窗顯公二首

石林瑛公六首

平野襄公二首

斗峰斌公一首

賴雲周公二首

冬谿澤公八首

月川澄公二首

正念一首

明曠一首

高僧二十一人

夢觀法師仁公

守仁字一初號夢觀富陽人發跡四明延慶寺住持靈隱洪武十五年徵授僧錄司右講經甚見尊禮三考升右善世母沒奉旨奔喪賜錫殯殮洪武二十四年主天禧示寂于寺南洲洽公贊夢觀法師遺像云右街三考左街陞跨朗籠基只一僧遍界光明藏不得又分京湖百千燈又跋楊鉄厓送夢觀游方序云師少從鉄厓游奇才俊氣師友契合觀于序文可知鉄雅東維子集有送蘭仁二上人歸三竺序蘭即古春蘭公仁即公也其略云余在富春時得山中兩生曰蘭曰仁皆用世之才授之以春秋經史學兵興潛于釋又云二子齒甚穉志甚宿學甚武能以宗乘與吾聖典合兩爲一以藏諸行事以俟昭代之太平夢觀集六卷即古春所編定也

堙鶴

野鶴何翩翩頗與鶴同類秦人羅致之憐愛無不至固無警露姿實有乘
軒貴羽毛已鮮澤習性亦驕恣秦人既鶴呼鶴亦鶴自謂忽逢浮丘伯借
之乘謁帝長鳴玉階前帝怪鶴音異敕令擊殺之下充膳夫饋浮丘報秦
人秦人方自媿爲誠畜禽家畜禽辭真偽

秋夕病中

夕雲斂中天月出萬象正九野聲影消平湖湛寒鏡驚風着露艸栖螢光
不定嘗新感時物金氣颯已應扶羸捲前幔銷肌怯虛靜憂來復就枕蕭
條發孤詠

題風雪歸莊圖

北風號枯林寒雲沒西嶺歸翁雪滿笠欲渡愁日暝孤舟斷磯下驚浪無
時靜遂令世外人感此畫中景

待月軒爲式藏主作

月出青松林照我松下戶牀前光未滿裴回更延佇連漏下初更綠烟散
東塲浩歌步中庭衣露濕如雨

題錢選畫

太峰青蓮高千仞
苔壁古招提
隔層雲孤逕入深崑
鐘鳴谷口風太落溪
上雨何處夜猿啼
歸帆下秋浦

偶地居爲瑾師賦

有生如浮雲閒踪本無着
出門隨所之去住安可托
茫茫三界內百年同
旅泊瑾師了空相
偶地得餘樂去歲辭東州
今晨往南郭山褐秋風涼
林鐘暮烟薄何處覓禪栖
孤筇徧前壑

虛亭秋月爲實上人作

幽庭坐虛寂月出青松林
流光入禪戶涼思滿衣襟
六根淨無垢萬境亦
消沉蕩茲着有想快我遺
世心浩歌秋水篇聊續寒山吟

螺山隱士歌

螺山有隱士飄飄仙者徒
朝游螺之巔暮息螺之隅
紅塵拂落身外事白
首讀盡人間書不騎琴高鯉
不釣任公魚手披演雅篇
架列山海圖峨司漫給五斗
錢蛤浦豈羨雙明珠槐臺封侯笑螻蟻楚關脫網
網怜蜘蛛人言大隱隱朝市
小隱螺山無乃是何物老病香山翁隱作流官良可鄙
酌螺之杯隱螺几坐對螺山淨如洗
鈿屏蠹蠹鏡邊來佛髻峨峨望中起
千林

飛翠散晴空半島寒雲浸秋水我尋螺山居遂識螺山路一見螺山人再
誦螺山句紛紛艸堂文悠悠遂初賦丈夫無遠謀千載何足慕我本逍遙
人亦有置網慮買山每寄沃州書寥落江鄉歎遲暮江鄉寥落不可留便
當卜爾山之幽安得神鰲負山去共踏青螺海上游

弘上人蓄秋山圖

萬峰霜晴翠如洗峰底行雲度流水西北高樓爽氣邊江南落木秋聲裏
兼葭潮長魚在梁白鷗飛盡天茫茫松根丈人讀書處時有疎鐘來上方
仙槎影沒銀漢遠木末芙蓉爲誰剪何處涼風送客船歸來似是東曹掾
東曹頗笑未識機掛帆直待鱗魚肥山川搖落已如此不信艸露沾人衣
平生畫手不可遇坐閱新圖得真趣題詩寄與沃州僧吾亦買山從此去

題任少監百馬圖

噉燁水涸龍駒伏未央廐前秋艸綠驢駝負石玉門關舊苑空餘三十六
憶昔高皇馬百匹駒駝車府無監牧只留太僕掌天閑不許田鴛食民穀
古來貴良不貴多須信儉餘奢不足任監手畫百驂驅五色如雲散平陸
八月風高水艸甘飲嚙舒閑肆馳逐駝駝驢黃莫復辨水蕒風花亂人目

任公生遭太平世結思驅毫逞神速四海無虞百將閒無乃圖形華山麓
吾聞善相東門京坐閱羣龍眼如燭帛家口齒謝家髯皎皎那容在空谷
爭如下乘得休安骨相雖凡好毛肉杏花烟外柳陰中韉絡無加飽芻粟
嗚呼此畫世已稀徒有千金未輕鬻老矣支郎俊氣銷撫卷空歌天馬曲
題溫日觀葡萄次韻

龍局失鑰十二重驪珠迸落鮫人宮鎖刀剪斷紫瓔珞繫繫馬乳垂金風
樹根吹火照殘罍冷雨松棚秋鬼哭蔕花嚼碎流沙水鳴酒呼來漢江綠
鑊削蚪藤劔三尺雷梭怒穴陶家壁疊胡醉起面秋岩一索摩尼掛空壁

題張一村畫山陰巖壑圖

張侯寫山工寫奇筆力可追黃大癡鱸魚江頭一斗酒墨花散作秋林漓
前峰聳聳如東笋後峰盤盤來不盡突馬方驚灑顏高啼猿忽覺蓬萊近
水楓離離開錦屏峽泉歷歷鳴瑤箏幽葩自炫晨露潔小艸不奈繁霜零
兵餘僧舍總搖落何意空林見樓閣十年礪碌走湖城重憶山陰舊岩壑
秋來日口愁炎蒸解衣思濯松風清輕包短錫從此去何處水邊無月明

錢筆行爲王元誠作

王郎宋代中書孫鑄鍊爲筆書堅珉書沙笏笑唐長史拔毫未數秦將軍
高堂落筆神鬼怒九萬鬱鬱碎如霧鉛淚霏霏洒露盤金聲錚錚入秋樹
鳥迹微茫科斗變柳難凋傷悲緒篆鼓文已裂岐陽石墓燈空照山陰藹
王郎筆藝精莫傳幾度索我東歸篇毛錐不如鍊錐利我方老鈍君加鞭
矢爾鍊心磨鍊硯淬鋒要比婆留箭太平天子封功臣脫囊去寫黃金券

題谿山小隱圖

自我初涉浮丘峰十年往還如夢中向來門舊半白髮只有山色當時同
青橙叢邊數間屋夜夜白雲簷下宿道人心境雲共閒嘯傲雲林謝塵俗
橋頭野客行遲遲歸來似有東林期一聲清磬萬山暝知是上方禪定時

題方方壺畫

方壺老人年九十醉把金壺傾墨汁染得蓬萊左股青州霧空濛樹猶濕
危橋過客徐徐行白石下見溪流清仙家樓館在何處雲中彷彿聞雞聲
古臺蒼蒼烟景暮藥艸春深滿山路招取吹笙兩玉童我欲凌風從此去

題趙希遠畫蟠松玉兔圖子昂趙公鑑記

天水王孫重毫素愛寫蟠根萬年樹上有徂徠五色雲下有中山雙白兔

清陰散作秋滿林咫尺高堂起烟霧丹桂吹香野菊黃玉葉金枝亂無數
迢迢錦水泛蒼鳥漠漠青天飛雪驚人間盡手非不多自是王孫得真趣
浮玉山人列仙侶雅與王孫同出處妙盡題來字字真兵後收藏乃奇遇
宣和遺譜世莫傳良岳荒涼風景暮眼中人事已非前盡裏山川尚如故
老我披圖一愴然落日長歌弔南渡

峨眉高一首奉蜀王令旨題峨眉山圖

峨眉高高插天百二十里烟雲連盤空鳥道千萬折奇峰朶朶開青蓮黃
金獅座聳岌岌白銀象駕來翩翩晨鍾暮鼓何喧闐風林水鳥皆談玄牛
崖陰霧見玉佛六時天樂朝金仙月輪掛樹光團團平羌影落秋波寒目
前勝景不可狀盡圖彷彿移岩巒吾王此地受封國大法付囑從靈山願
憶靈山當日語五十四州均化雨化雨慈雲滿錦城佛刹王宮同按堵峨
眉高高萬古

賦得講經臺送石田禪師之虎丘

講經臺臺何高關中聖者說法處琪園白日天花飄千年化迹精靈聚碧
艸不侵臺下土聽法遊仙去復回詩魂夜夜啼秋雨青山削壁勢欲墮劍

花照水芙蓉開霸業如烟去無跡象龍還繞香雲堆君登講經臺我折白
門柳吳歌江上來不必陽關酒月明鐘鼓響空山白石壘纍齊點首

待旦軒爲指揮作

東方將軍文且武一片丹心思報主主恩未報不遑寧起坐轅門待天曙
城頭落月照西營明星爛然河漢橫披衣耿耿不成寐南埭雞鳴朝已盈
丈夫立功垂不朽著鞭豈在他人後驂騑驟去疾於風金印懸來大如斗
擊劍高歌夜氣浮劍光凜凜橫清秋長纓繫取單于頸巨杯擎出月支頭
將軍才華燦雲錦軍中更置婆留枕太平天子尚宵衣我獨胡爲白安寢

贈杜監令安道

我聞昔者城南杜居室去天才尺五爭似中朝供奉郎夙夜忠勤侍明主
憶曾隨駕征四方手持節鉞心遑遑南臨衢發北淮海東下毗陵西武昌
白旄所指無不在天下承平鬢顏改聖上從容問舊時感歎俄驚三十載
朝回館舍卽開門閒披貝葉忘朝昏但願清貧得長壽萬歲千秋蒙帝恩

金山寺

神禹開天壑中流碣石存蓬萊分左股豔湏失孤根驛騎催官渡風帆拂

寺門鑿城燈火近鐘鼓報黃昏

寄缺厓先生二首

時留京總教禮樂書

蓬萊宮闕五雲東龍虎山川錦幃中盡說黃金延郭隗誰知日蹙思申公
春秋衰鉞諸侯懼南北車書萬國同卻望鈞天幾咫尺二琴涼月寫松風
先生謝客居東里使者傳宣拜下牀樂府謾推崇子範禮經須問魯高堂
酒須捫馬來光祿賦到龍旗說太常賜老鑑湖猶有待山陰茅屋未淒涼
缺厓先生挽詩

玉笙聲斷泣龍君撼樹蚍蜉謾作羣一代春秋尊正統兩朝冠冕在斯文
他生有約尋圓澤後世何人識子雲舊業門生今幾在下車空升馬陵墳
靈谷寺法會應制

寒巖艸木正嚴冬一日春回雨露濃安石故居遺雪竹道林新塔倚雲松
木魚聲斷催朝飯銅鼎香消起暮鐘千載奎文留秘藏天光午夜照金容
正月十五鍾山書事并簡謝禮部

上念羣靈殞劫灰法筵迥向蔣陵開雲垂五采金仙降燈擁千官玉輦來
旌旆影寒香旖旎簫韶聲轉月徘徊清朝盛典誰能記白髮詞臣漢史才

十七日謝恩奉天門

金殿重重護采霞
天門賜坐擁袞裝
尚方晨鉢分雲子
中使春杯獻乳花
雉尾風清天咫尺
螭頭香煖霧橫斜
聖恩特許還山蚤
官柳黃時喜到家

二月三日泊瓜州渡與吳庵同賦

淮烟漠漠夕陽收
楚樹昏昏驛客舟
風度鐘聲來北固
帆將燈影過揚州
雲銷碧海天無際
波撼金山地欲浮
獨恨壯遊非昔日
滿江風露夜如秋

湘湖謾興一首寄獵微生

藕花風起晚涼多
高據柴牀聽棹歌
芳艸不歸支遁馬
白沙唯見右軍鵝
人家隱隱連桑柘
僧梵悠悠出薜蘿
今夜湘中好明月
相思無奈故人何

吳山觀潮次劉本中韻

誰扶砥柱障狂瀾
謾向江亭酌酒看
風力拔山鼙鼓震
雨聲搖海蜃樓寒
尋常漚鷺知何在
多少魚龍不自安
獨愛劉叉詞賦好
伍王祠下更凭欄

送友人歸上沙

四月南風吹白沙
春江游子思無涯
讀書未築樵東舍
送客先歸海上槎
萬里黃塵悲戰馬
滿城紅雨亂飛花
傷心不折湖邊柳
更待重來駕小車

答王叔潤

天祿燃藜懶校經，鷗舟隨處泊鷗汀。西風舉扇無王導，東海移家有管寧。
溪雨初晴雲更白，湖霜未落草猶青。客樓寂寞江天外，幾度遙瞻處士星。

寄樓隱南州

洲上歸來百事慵，一春愁病似衰翁。臥聽溪閣三更雨，數到江花幾信風。
舊日親朋多楚越，孤雲踪跡尚西東。舵樓晚飯人如玉，清夢無時落鏡中。

歸江楊邦彥家扁二首次劉允若韻

百官東下望羣山，翠掃巫陽十二鬟。藥草春風迷客路，桃花流水異人間。
龍將白雨山腰起，鶴帶晴雲海上還。支許風流吾所羨，幾時騎馬渡潺湲。

右青山流水軒

十里烟沙接野塘，五株垂柳覆蘿牆。宦情都付河東老，往事休談洛下莊。
翠影連雲春正晚，鶯聲到夢日初長。相邀須待花飛盡，倦客愁多易感傷。

右千巒柳莊

三月廿八日早渡浙江

塵事繁心不暫安，天涯憂抱若爲寬。人因病久交遊絕，士到名成出處難。

水國鷄鳴催客渡山城花落送春殘會當一壑忘情去得共雲松老歲寒

寄戴伯貞

東望湘雲客思多故人歸計近如何江都夜月瑤花夢海國蠻烟荔子詩
落日麒麟猶草野滄江鷗鳥亦風波碧桃窗下聽春雨誰肯金貂換綠蓑

題雲門翠微深處

溪閣重重翠崦遮無時雲氣濕袈裟千峰樹色藏朝雨六寺鐘聲送晚鴉
華塢天寒收柿葉茶壇風落掃松花倦遊每憶消閒地早晚扁舟向若耶

過何氏山林

十年海國厭風波地老天荒此地過白髮幾人江左老青山無恙越中多
社尋盧阜沙門遠詩愛楊州水部何要看仙家棋局散不妨松下爛樵柯

寄題雲屋

浮丘山下見劉蕡每說交遊獨念君鼠尾謾誇狂博士虎頭誰識舊將軍
孤舟夜雪臨卅壑破屋秋風補白雲我是玉山堂上客幾時呼酒細論文

答倪元鎮

禪榻清談屢有期茶烟想見爨絲垂春風水榭停蘭葉夜雨何山寫竹枝

甲煎沉香都入夢新蒲細柳總堪悲
鸛鵲飛處重相憶
和樊川五字詩

題張伯雨初陽臺倡和卷

笙簫聲沉彩鳳飛
朝陽出海散晴暉
一時文物惟延祐
五夜丹光起太微
歲月無情詩卷在山川如故
昔人非祇應湖上梅花月照見
荒臺獨鶴啼

次韻懷冷泉禪師

八年京國雁書沉
每見游僧問好音
已喜法支流日本
勝傳詩價到鷄林
馬嘶赤撥晨朝散
花落繡毬午定深
今雨不來春又暮
鵲峰烟樹綠成陰

送源無竭赴開化

鳴榔秋浦發長謳
子去南鄉幾日過
眼底雲山吾老矣
夢中風雨夜如何
斗城兵後居民少
石鏡僧歸古剎多
重見新題何處是
功臣堂在碧山阿

四月九日與新道衍公登虎丘

紺宮高涌碧崔嵬
曾是秦皇駐蹕來
虎石半銷金氣盡
翠屋中斷劍池開
僧掃月千峰淨
山鬼吟風萬壑哀
老我登臨春已晚
落花吹滿講經臺

寄朱無逸先生

艸玄閣上楊夫子
每說江南宋玉才
鳳閣書來船北上
猿谿花發馬南迴

青衫無淚沾歌袖白髮多情照酒杯處士一星雲霧裏客樓東望幾徘徊

湘湖漫興寄微生

蘭堂客散酒船空湖上清游孰與同五月秋聲梅子雨一天涼思藕花風
烟將白鳥沈沙際雲帶青山落鏡中自是僊翁阻杭越誰教天堍限西東

次韻答戴雪樵

新溪勝友無多在荷雨故人今復來險步莫經龍伯國虛名已付蟻王臺
小園芳樹迷青艸空屋殘花落紫苔安道詩成情更苦未容與盡泛舟迴
題珉上人所藏嘉定曆

一從杭汭隔風塵四見南朝鳳曆新戰士淮襄悲割土殘民河洛望頌春
淹留歲月周家統牢落乾坤夏正寅莫說當年郊祀地吳山烟艸更愁人

過張侯舊宅

畫戟門開宿艸新一過此地一沾巾歸來燕子驚新主開到梨花又暮春
雨榻無因連海曲星槎何處泊天津夢中相見猶平昔翻訝傳來信未真
次龍門閣并柬宋寅章鍾仲淵

雲後龍門步早春老禪風骨淨無塵鴟弦白雪吟山鬼醺紙鳥絲寫洛神

天近可招牛渚客，月明長送虎溪人。
鍾繇宋玉工詞翰，來往風流莫厭頻。
送馬以清調成都衛知事

越客傳來浙上書，故人闕下拜新除。
荆門馬度霜晴後，峽口猿啼月上初。
鏤飭灰寒參畫外，戈船風動笑談餘。
清秋幕府多閒日，爲訪文貞舊隱居。
送職堂中住山東華嚴寺

恭承王命出巖阿，歲晏江亭奈別何。
天下好山齊魯勝，濟南名士古今多。
帆將落日寒收港，馬蹴層冰曉渡河。
好播玄風交國化，春城鐘鼓答弦歌。
次韻答葉夷仲

大荒南去渺烟沙，萬里曾乘奉使槎。
得句多因玄道室，藏書未減鄴侯家。
風清曉殿陳三策，日靜秋庭判五花。
惆悵西齋涼月夜，山梓誰共薦瓊芽。
題盡二首

石林霜葉錦繡編，南村北村秋意閒。
道士莊前一聲笛，放翁艇子出三山。
積雨平原烟樹重，翠厓千丈削芙蓉。
招提更在秋雲外，只許行人聽曉鐘。
明皇小車圖

宮門日出乳鴉啼，仙漏沉沉樹影低。
朝罷千官無一事，車聲又過壽陽西。

錢舜舉畫黃花翠竹

擬買陶家地一弓，卻看圖畫感秋風。向來翠竹黃花圖，多在空山暮雨中。

游白塔寺次伯溫劉先生韻

春艸禪房路欲迷，白頭感慨故宮西。鐘聲送盡寒潮水，月落冬青杜宇啼。

題倪元鎮墨竹次鄭德名韻

渭水秋聲動萬竿，小窗新雨一枝寒。坡仙老去風流盡，誰向何山秉燭看。

戴勝

青林煖雨飽桑蟲，勝羽離披濕翠紅。亦有春思禁不得，舜花枝上訴東風。

題王冕畫梨花鳥

雙鳥交交語晚晴，東關花發近清明。梨園弟子傷春去，一夜新愁白髮生。

懷友二首

湖草青青上客舟，辛夷花老麥初秋。一春多少懷人夢，半在鄉山雨外樓。

送盡梨花雪滿林，坐來桐樹綠成陰。十年故舊如雲散，一夜春愁似海深。

過海上弔曹橘中

世事如棋過眼新，重來不見橘中人。野夫木了無生者，却話無生淚滿巾。

題柯博士竹

元統才人總寂寥
奎章遺墨尚風標
鉤天夢落江南遠
腸斷雲中紫玉簫

赤烏碑

愛尋碣石訪重玄
三國遺文已邈然
翻憶中郎黃絹字
夕陽江上浪滔天

陳檜

吳楓楚柳逐烟空
陳檜依然護楚宮
可惜禎明歌舞地
後庭無樹著秋風

鰕子禪

杖藜何處問鰕禪
迴首胥村鎖暮烟
一曲漁歌秋浦外
腥風吹滿渡頭船

講經臺

乞食歸來坐暝鴉
禪經每到白牛車
東風柳絮吹晴雪
猶想天宮酌寶花

泥濘壘

隆安疆土已瓜分
猶擁孤軍戍海濱
悵望忠魂招不返
斷鴻啼雨入秋雲

蘆子渡

百里晴沙江水長
蘆花風起碧天涼
客舟曾泊西城下
滿地砧聲兩岸霜

古春蘭公

如蘭字古春富陽人自號支離少與夢觀仁公俱游于楊鐵崖之門荆染
後住杭天竺道行超邁太宗御極召四方名德較較經律論三藏師與
首列錫賚優渥于忠肅公謁古春蘭法師塔詩序云古春法師先君方外
友也予彌月時師赴湯餅之會摩予頂曰此兒他日救時宰相也已而齟
齬知學先君數以師言警余及登第拜官恐負師之知言茲以內艱家居
而師與先君不可復作矣感時追舊祇具蔬盤茗盃展拜師墓爰賦一律
以識予之耿耿云古公蓋精于相術而袁柳庄之相訣亦傳于異僧別古
崖此可入方技術也

寄前寶林相本空

飛雲度江去瓊林化爲棘山空流水間而我繼斯席松低鶴無巢苔深虎
留迹蒼烟莽成虛鳥啼四山寂緬懷行道彰尚遺點頭石花落春雨餘幽
迳望行屐

三笑圖

天子臨潯陽遠公不出山胡爲遇陶陸過溪開笑顏匡廬高九疊峻絕不
可攀畫圖寫遺像清風滿塵寰

電珠泉爲劉丹厓作

老蛟夜嚼陰山冰
冰花碎作玻璃聲
困獸驚趨罔象走
一片青天落屋斗
金谷綠城春已空
湘竹紅淚啼秋風
仙人剪冰不成雪
也子鬬紫水中結
照車十二何足多
昆明魚目騰秋波
嗚呼魏王千金購
徑寸竭海徧網珊
瑚柯珠兮珠兮奈若何

張節婦辭

妾本清河女
嫁作汝南婦
舅姑性嚴察
孝養無違迕
良人從吏弄刀筆
一朝犯法隸軍伍
軍逃之罪不容逭
妻孥連捕心獨苦
夫因抱病死囚國
妾欲將夫死無所虹
河之水通淮浦
妾身一死能自許
六日浮屍波上來
相逢若與精靈語
生死同結復同處
願魂化作雙飛羽
歲歲春風返鄉土
月明啼上新肝樹

贈善世求禪人歸省

家在浙陽河
扁舟載月多天竺
山接野水落水生
波雲物催歸興
乾坤發浩歌
少年才力俊亦足
慰蹉跎

送進古道住廬山萬杉

雙劍倚青其雲開九疊屏清溪啼野樹馴虎衛巖局瀑吼飛晴雪江空落
夜星雨花粉委處揮塵盡談經

送曹應則歸省

壯志欲飛騰扶搖北海鵬雙親俱未老一弟已爲俗遠水浮春棹虛窗坐
夜燈明朝望鄉國遙指白雲層

送述墨緒住金福

憶過周溪上黃蘆夜泊船張燈留晚飯掃榻假秋眠天煖無雙月風平又
五年羅雲多遠裔今古見才賢

送謙翁中住艸堂梵安

萬里橋西路百花潭上居涼風生錦樹曉雨浥紅蕖好著詩謀鈔重論止
觀書扁舟時有便來往問何如

秋江送別

江柳不堪折江花照眼明天將孤雁遠風送一帆輕紅樹宜秋色黃蘆雜
雨聲吳雲半千里如在月中行

張句曲小景

句曲有仙居桃源景不如掛根留磐艇石室舊藏書溪晚秋波淨以晴宿
雨餘何當問真隱松下坐茅廬

黃鶴山人墨竹

水竹共清妍鮮麗動渭川鵲鵲啼楚雨帝子泣湘烟秋意生簾幕寒光照
簡編百年空見画黃鶴已成仙

曉發

東風卷雨曉雲收兩岸鷄聲送客舟柔櫓不驚沙上雁殘燈猶照驛邊樓
天連野水浮空闊斗轉銀河拂地流遙望吳城何處是青山數點落長洲

靖安八詠

靖安松江上海之古伽藍赤烏中所建也寺僧壽寧無爲以詞詩名東南
倡爲靖安八詠一時名士皆屬和而東維子爲之序

陳櫓

昔聞後庭花今見禎明櫓雙劍列雌雄每與風雨會良舊莫可移夜挾驚
霆環至今左紐枝老氣發光彩

鰕子禪

長懷蝦子儼有如法華言混凡人莫識應供入胥村斗蝦示神變生死同
一酒影堂見遺像稽首重玄門

滬清壘

內史晉袁崧爲國作藩屏孤忠禦強寇不得全首領滬清春草平血青土
花冷水仙華重淵天誅付辛景

綠雲洞

清風滿壺天綠雲迷洞戶竹日滿簾秋松濤四簷雨閑花落無聲幽會時
自語山中古秦民不知今典午

赤烏碑

紫髯奮江左建業開宏圖赤髯入吳會重玄啟浮屠局足久矣折石年猶
赤烏雄文沒淵底照耀驅龍珠

講經臺

我聞謝長公翻經築高臺遠公不可作依師想重來五千貝多葉講誦喧
法雷文字性已離禪定何時迴

湧泉

神僧卓金錫撫掌湧泉地突如漚點因怒作湯鼎沸初疑蚌蛤胎吐出蛟
人淚陸羽或可招褻茶試清味

蘆子渡

我行蘆子渡西風寒日斜海城有遺堞黃蘆吹白花征鴻下荒渚野鳥依
晴沙逐彼天風去一輩登海涯

題竹

一夜竹窗雨秋聲入夢聞都將枝上淚灑徧九疑雲

雨澗牛

溪畔野橋橫烏犍帶犢行無人掛書讀雨外候春耕

止庵法師祥公

德祥字麟洲錢塘人持戒律書宗晉人擅名一時詩刻苦高邈郊島有詩
曰桐嶼集洪武初住持徑山臨終倚座曰一隊糟漢我爭如爾何談笑
而逝姚少師祥老艸書歌云祥師只今爲巨擘上與閑素爭嶢峴錢塘山
水甲天下秀氣毓子爲梗楠十年不出筆成冢中山老鬼愁難安晴軒小
試烏玉珎雙龍隨手掀波瀾昨將一紙達寄我天孫梭錦千花攢願師勿

置我門限從它須索來千官搢紳相與歎莫及便欲去加巾冠屐聲已
掃不知息箱篋盛貯光爛爛其爲一時推重如此吳之鯨武林苑利志云
祥公與夢觀仁公同叅相與肆方于詩仁公以南粵進翡翠作詩寓諷云
見說炎洲進翠衣網羅一日遍東西羽毛亦足爲身累那得秋林靜處飛
太祖怒曰汝謂我法網密不欲仕我耶止庵亦以西園詩忤上幾不免西
園詩今載集中不知所謂忤上者何語野史流傳不足信也祥公有題倪
雲林周履道書畫云東海東吳兩故人別來二十四春又有爲王駙馬
賦清真軒詩則知公生元季至永樂中尚在也有和御製賜赤脚僧詩又
句容道中詩云十年三度上京華則洪武中應召浮屠也田汝成西湖志
云故宋時爲僧入元屬念舊國有風雨望月諸詩汝成志稱詳博其疎繆
如此

古懷

思尋海底人爲乞珊瑚樹持栽此
前庭慰彼歲將暮上接孤金禽下宿單
玉兔四時相並輝顏色長不故

秋懷二首

露彩發遙林月華散虛席花屬一何清秋衣不知濕驚起南枝寒蛩響
東壁寂寞曠幽懷迢迢楚天碧

青天西北傾豈天爲不平白日難夜照豈日爲不明天日尚如此聖賢非
命輕夷齊終身臥孔孟諸國行所以沮溺輩一生事耦耕

雜言

白日不西沒黃泉無至時東海塞爲路高山鑿作池世有不死藥何人能
服之秦皇與漢武塚上樹無枝

懷友

三五月明滿三五月明缺行人去未遠忽若三年別此時道路間北風何
微獵局促瘖馬悲蕭條秋艸歇所遇非所歡中懷安可說不念故里間甘
爲苦霜雪

芍藥

春去若亡國寸紅不可容一朝兩朝雨三夕兩夕風萬物不一色無以全
其功芍藥是何本落在夏庭中

禹烈婦墳

雙樹不單伐土中無怨根雙魚得一網水中無怨魂石門水不深不着無
義金石門墳不高瘞乎三尺刀

吊客墓

誰謂白日思不及黃蒿門蒿門閉白骨閉骨不閉魂蕭蕭棘棘艸自結酸
楚根兔絲女蘿花自結幽怨婚胡爲四方志守彼三尺墳豈無南來轅雙
輪日翻翻豈無北上駒四蹄日奔奔魂予何不婦人各懷故園故園雖可
歸不如歸本元

題春暉堂

寸艸雖有心豈能報春暉丈夫雖有志不如守庭闈豈花繞砌開乳鳥繞
林飛堂上白頭母手縫游子衣

寄息耘

顏顏白髮人窄窄黃茅屋田園不願多衣食聊自足狂來溪上行長歌飲
溪綠家藏一束書懶教兒孫讀此意誰可知高松興修竹

盡春溪別意圖贈息耘

不見別離船摧殘溪上柳溪翁白頭毛夜半起傾酒雪溜響低簷月光度

踈牖忽聞烟際鴻於焉坐來久

白髮吟

白髮不早來早來人莫哀黃金不早散早散人莫欺黃金不散散者多白髮不來愁奈何莫將黃金待白髮白髮不生泉下客

車碌碌

車碌碌車碌碌上山遲下山速前車行行後車促後車不管前車覆前車已覆無奈何後車碌碌何其多

烏棲曲

城頭老烏夜夜啼來我門前樹上棲作巢折我樹上枝樹枝未盡風淒淒一朝樹死烏飛去不來顧我門前樹門前樹死樹更多烏兮烏兮奈爾何

城西樹

城西有山無好樹有樹盡爲人墓地山中樹多墳亦多百年那得閒游處只今滿眼是傷悲何堪又作百年期人間百年不一瞬山中有墳多沒姓

月夕看梅

梅花夜開香滿溪溪上月出風淒淒開門出溪看花去落花流水無東西

流水東流不復返落花滿地賤如泥老夫愁花愁不得況乃雙雙啼水鷄
君不見顏淵盜跖賢與愚天壽顛倒不可期枝間月落且歸去明日看花
還杖藜

樹上花

昨日樹上紅今日樹上空樹空人莫惜春風有來日春風爲花好不惜行
人老行人老不再少年不知花落春風前

折楊柳

小葉柳大葉楊今年折盡明年長明年今日在何鄉春風吹斷鐵心腸葉
葉比君眉條條比君髮朝如青絲暮如雪能使離人幾迴別

延月有懷登觀師

秋月如佳士平生願見之掃門當落葉開席對良時水處得來早花前欲
去遲自能無出沒美觀中師

送僧東游

坐罷南山夏東游思浩然與雲秋別寺同日夜行船一路鐘聲裏千峰落
木前西來有祖意不在普通年

次韻答香光居士

山北山南住鷄聲隔一峰片雲長自合明月有誰同柱杖鳴禽澗開門落
葉風新詩忽寄到猶勝一相逢

九月八日旅中夜懷

秋遲花爭發寒燈客自傷別家將一歲明日又重陽鄉俗誰同與詩情老
未忘涼風舊池沼蕭瑟菱荷香

旅寓

九月猶締衣故鄉胡不歸塞鴻聲一到江樹葉都飛路晚逢僧少門寒過
客稀自慚違伯玉又是一年非

晏起

宿雨何由歇春眠不肯醒燕來猶舊戶花落自空庭引水平魚沼燒香繞
硯屏齋中無別事閑寫幾行經

評螢

念爾一身微秋來處處飛放光唯獨照引類欲相輝白髮嫌他節青燈妬
入幃老僧無世相客得繞禪衣

詠蟬

應侯有鳴蟬居高也可憐玉貂名並出黃雀思相連幾處秋風裏千聲夕照邊故園新柳上今得聽三年

爲康上人賦雪庭

積雪滿前楹涵虛似太清乾坤歸一色江海入無聲寶樹花稠疊瑤臺路坦平高僧不出戶水觀已初成

許起宗見過

携酒出東郭尋源到此溪偶因盟白鷺兼得友黃鸝雨氣來山北茶香過竹西芙蓉花發處明日且扶藜

約顧孟時不至

殘暑漸將消新知許可招鱸魚秋欲到臨島夢相撩對雨辜紅燭聞歌相面撓詩成不得寄先索上芭蕉

湖上諸寺重游

湖上三百寺今只後來游滿路皆黃葉諸僧盡白頭水雲情渺渺鐘鼓夢悠悠獨村南屏下樓臺壯一州

寄周鍊師

碧殿燒香罷瓊林照日初經聲出雲箔秋色闌松樞已掛三花樹仍開六甲厨羽童長不見採藥在清都

除夕

五十明朝是茲宵不得眠杯盤分節序火炬照村田春色來何處梅花在目前自然添白髮豈爲惜流年

孤柳

孤柳在江津年年占早春上林何限樹此樹獨無隣蘸水烟條短啼春露葉新不知緣甚事只贈遠行人

溝上花

步出雞鳴埭潮溝見落花風時下急水雨處泊危沙在溝猶故土出浦是天涯莫學溝上客老來無住家

送僧還松蘿山

鄉井何曾念溪山不肯忘百灘春水色萬壑古松香雲影同歸路鐘聲出上方松蘿最深處閑坐閣流光

開雁

八月涼風起高飛
亂入雲度關成一序遊
渚動千群菰米沉寒雨
蘆花散夕曛一磬江上過
獨客最先聞

洛澗新居約道侶

洛澗橋西轉蘿門
流水香人情閑處少僧趣
靜中長碧艸生支逕新松覆
一房吾將掛巾舄遲爾共徜徉

雪夜思南山禪友

夕雪洒虛堂禪身懶下牀
褚衾清不煖蠟燭冷無光
宿舄爭枝響寒花上路香
南山有兄弟歲晚不能忘

望雪

早起雪初晴百鳥無一聲
吾門政冷落老眼借光明
獨立望何極溪山如此清
唯應剡中棹昨夜有人行

崔彥暉小隱

茅堂不近城風景見高情
溪上山多異門前水獨清
晚雲雙鷺入春樹一鷄鳴
恐有龐夫子同於此地耕

秋塘

獨步秋塘上其如客思何
蟬聲送風葉鳥影度涼波
艸店三家酒菱船一道歌
不堪回首處楊柳夕陽多

小築

日涉東園上余將卜此居
艸生橋斷處花落燕來初
避俗何求僻容身不願餘
堂成三畝地祇有一車書

剪燭

風處搖金涌烟時閃墨鴉
寸心終不昧雙淚欲橫斜
漸過分詩刻虛開報喜花
剪聲初落指滿席散春霞

聽雨有懷

酒樹聲兼雪稍簾力借風
每來寒夜後多在客愁中
艸意開門共燈情白髮同
之人天一角的似高鴻

次韻明元白所寄

自來溪裏住家計逐年增
日煮三菜菜時供一箇僧
坐禪非所習看話亦無能
只麼隨緣過如何繼祖燈

易門

背溪開北戶別路出西林
縣客也須問游僧未得尋
庭中閑艸色園內老鶯吟
盡日無人事猶嫌住少深

夜歸賦此以壽東田隱士

觸熱嫌尋訪閉門如路窮
手持東野集思與何人同
候雨坐欄樹聽蟬得晚風
因之過林叟歸步月明中

新秋有懷

得秋方一日秋意已紛紛
涼覺水邊早聲先樹裏聞
高僧在西嶺短策不離雲
我欲尋行跡恐驚鷺鶴群

送北禪講師

秦淮一相見雲鶴兩關身
共愛青蘿寺俱爲白髮人
楚江花後別吳苑雨中春
今日因師去夢鄉夢又新

送僧之松溪寺

師去松溪寺應添景更清
洗溪留竹影掃院着松聲
鳥就階前宿雲從席上生
老予無所住於此亦多情

秀溪送僧住水西

此水異諸水何來入此城源應多秀色流亦有清聲古寺在其上高僧今獨行藤枝掛蘿壁於此度群生

送僧歸荊州

上人歸洞庭衣帶淞山青秋院空荊樹涼風度楚汀聞鐘還駐錫在路亦持經鄉士知高行談玄處處聽

送隣寺僧

同什南山裏經年不一逢深蘿掛靈錫落葉閑行踪夢繞千峰澗吟殘雨寺鐘今從湖上別雲水意重重

題海雲寺

香刹住中流初疑地若浮路從沙際入帆到樹邊收清磬敲漁夜新書報摘秋洞庭西在望欲去更遲留

貽息耘隱士三首

髭鬢多年雪交情百煉金青山樓上坐白鳥樹中吟行路畏相識尋僧說此心欲將白雲回歸掛艸堂深

樓夢情相並鷗波夢一如艸堂春悄悄
鶯未雨踈踈破酒頻邀汝評詩累
過余丹基有餘地容結小茅廬

三五樹蕭蕭幽居稱寂寥去年存菊本
來客問松前掛夢寒山寺留蹤野
雪橋一枝棲息穩分得與鷓鴣

送蓮峰昶晦元書記

一住蓮峰下看松過十年行尋無艸路
不飲出山泉虎共空林雪猿同靜
夜禪時將新得句歌送碧雲邊

春雪有懷湛然禪師

東風游約近積雪閉門深興或
有時到春應無處尋柳藏初活
眼艸沒未灰心寂寞南山下茶烟出樹林

送僧游東林

見詭潯陽去爐峰似見之雪埋天際
石泉出寺中池夢是勞傾想愁非惜
別離休師兩度到應只爲題詩

竹亭

滿園唯種竹竹裏置幽亭犬吠青松
路人來白鷺汀花溝安釣艇蕉池
着

茶瓶老耳思鳴鳳何當借此聽

爲圓上人賦雪洞

禪室虛生白居之最吉祥了經何待月上髮不知霜宿恐雲來借寒慙火
有妨老僧棲息久無復夢華陽

竹所爲餘杭教諭王志學題兼贈王簿

王維竹里館今復見諸孫翰簡傳來久名聞幾處存烏歌烟際石花覆月
中門高士軒多暇時能共一樽

送延慶講師

蕭然山下寺講席稱清才路對湖中入門依樹裏聞老夫尊興動新降橋
書來珍重磯頭石留予一片苔

雪中廢王仲高

久病不出隊不出難自存大雪斷行路吼山深閉門苑番僊兒走竹折凍
禽喧政憶王夫子清齋咬菜根

同庵新居

新居勞種植隙地不放闢作圃先通水謀松欲借山烏逢森並到雲向晚

神選獨許王摩詰題詩在壁間

題鎮海樓

斯樓屢易名一上一傷情白屋多爲戍青山半作城雨中春樹出風裏晚湖生亦有歸鴉早閑啼四五聲

雨中留宿息耘軒話舊

宿雨青林裏春燈白髮前老交無幾幾別話有千千坐久情生艸聽多夢入船直須開酒律相醉盡餘年

題王仲高林泉小像

家有青箱學流傳子又孫詩曾留竹里夢不到槐根歲月饒雙鬢溪山付一樽老懷無所繫時得訪沙門

送僧歸天台住國清寺

聞說台山勝令人夢欲騰松杉萬丈路鉗錫半千僧澗落烟中磬西垂雪裏燈
豐干舊時席花雨又重增

與蘭古春在京重見

勝剎住吳淞名細亦景從怪來成罷講偶地得相逢白髮多時鉞青山幾

處鐘如今不用別老去託芙蓉

送止無傳住車溪東塔

車溪古法席子可繼先賢薛荔林間錫芙蓉浦口船鳥聲青嶂裏燈影白
頭前我有乞歸日於斯盡暮年

送一源藏主行脚

之子事行脚正當年少時汲瓶弄活水掛錫選高枝山向多邊看雲從幾
處期西湖柳花裏欲別更遲遲

贈沈景玉

水接僧居近林開市路通綠雲生宿雨黃鳥出晴風世事書聲外交情道
味中高蹤沈東老能與一樽同

林泉歸隱圖

居山豈爲山只愛此中閑野菜何消種柴門不要關飯餘聽澗落經罷看
雲還恐有寒山句多題蘚石間

喜雨首座還山中

厭客已三年還家一悵然掛藤空壁上掃葉舊房前老鶴先歸樹寒魚也

出泉吾將洗苔石與爾共安禪

寄姚隱居

種桑不似種花多丈八清溝盡種荷燕子門前三樹柳桃花溪裏一群鷄
生來不作黃梁夢老去偏工白雪歌亦欲買山相近住不論時節要相過
早春聞角

一聲霜角起譙樓婦念紛紛不自由驛使幾迴來庾嶺詩人誰復在楊州
啼鳥城郭春前曙淚雁江天雪未休冷落東風花莫恨吹開楊柳又多愁
穎人來得馬仲禎消息作詩寄之

海上相逢說穎州古來名郡著名流歐蘇遺跡猶堪訪管鮑交情或可求
晚照牛羊新隴畝秋風鴻雁舊沙洲一尊鄉酒誰同會應有平生馬少游
游天龍寺

群山江上走蜿蜒直引潮聲到寺前樓閣下頭生雨氣樹林高處出香烟
流傳孤守千家鉢受用單承一指禪白髮老僧東塔住自言將及趙州年
夏日西園

新築西園小艸堂熱時無處可乘涼池塘六月由來淺林木三年未得長

欲淨身心頻掃地
愛開窗戶不燒香
晚風只有溪南柳
又畏蟬聲鬧夕陽

次韻衍斯道九日同登鳳山

雲逢水遇片時間
驚北鴻南雨未閒
今日偶然成握手
重陽難得共登山
豈知白髮懨多事
相對黃花覺厚顏
惆悵不堪回望處
群鴉飛盡暮潮還

聽雨蓬

溪邊茅屋兩三椽
寬窄其如一釣船
幾樹暮陽蓬底看
一瓢春酒雨中眠
舊愁無復來心上
新夢何由到枕邊
我亦江湖釣竿手
荻蒲蘆裏住多年

寄余復初鍊師

崑峰峭峭玉蘂蘂
有意尋仙到此中
流水年華逢甲子
秋風城郭見丁公
門前丹氣無人識
洞裏棋聲有路通
借得古松同鶴住
共看塵世事匆匆

題莊氏書樓

三尺枯桐掛此樓
樓中人似晉風流
酒杯春到休教歇
書冊年來儘要收
柳色半邊溪水上
鶯聲一片晚風頭
滿懷清思無消處
月過樓西坐未休

登富春永安寺

栗葉邨前石子溪
青山一掩路渾迷
也知谷裏多猿鳥
未信雲中有犬鷄

滿耳只聞諸澗響回頭方覺眾峰低平生傾想今朝到願結茅茨在寺西

南浦春耕

索索繰車谷口聞鳥催農事日紛紛新生野水瓜藤繞舊作田塍并字分
耕雨每憐黃犢健帶經猶愛小兒勤悅風獨立溪橋外流水桃花一隊雲
義溪晚釣

牛渚山前白鷺飛船頭坐得便無機鶯從柳絮風中聽魚到桃花水後肥
有夢只因懷太白逢人多足說玄暉一壺春酒江邨暮泊在蛾溪醉不歸
留別吳江老友

江湖分得兩平平九里長塘一片城紅葉樹邊停舫子白鷗群裏聽鐘聲
晨星故舊嘗時數春艸詩情觸處生歲事欲闌言別事直燒燈燭到天明
次韻同復翁雪中暮歸

撥亂雲中半掩扉忍寒衝雪晚同歸回溪尚有多人渡過嶺都無一鳥飛
木葉風聲聽去別蘆花月色看來非昔賢大士修何行不與群生願少違
題來青亭

西馬橋分一水灣來青亭子在其間一方席上長留客三尺窗中只見山

落地浮雲須急掃，當簷繁木要頻刪。
輕嵐嫩紫無朝暮，肯與閑情數往還。
訪息耘不遇

語聲了了出溪灣，只隔挑波一步間。
自愛黃鸝春後至，多愁燕子雨中還。
坡晴細艸平如剪，花曙開門半不關。
欲覓行蹤雲滿地，人言採藥在他山。
與姪自京還橫塘故居

桑麻田在水村中，千里歸來共阿戎。
春水野航天上下，石橋林木岸西東。
階除點火兒童喜，兄弟開門語笑同。
三載客塵如夢事，明朝溪上看飛鴻。
贈陳士寧次息耘先生韻

一片塵中隙地幽，住來誰得共悠悠。
青苔巷小長關雨，紅葉牆低直見秋。
聞茗約同蘿石畔，買船停在竹溪頭。
隣翁怪底無羈者，排日閑忙亦有由。
次韻贈馬仲禎全斯立二昆仲

客髮吟髯並雪霜，相看總爲惜流光。
鶴同丁令身千歲，蝶與莊生夢一牀。
濟世藥壺長自負，游山酒榼不時將。
兩心得似孤雲片，來往家山幾樹傍。
次韻張布政游山

不因覽勝入松門，猿鳥何曾識使君。
黃蘗路從流水上，青蘿牀與白雲分。

逢僧且說新裁句見寺先尋舊刻文冰雪寒岩春到後樹如膏沐艸如薰
爲常上人題在山圖

一場如山看數日山山看盡又重看年來木石同心性老去烟霞入肺肝
春艸澗深流水歇夕陽鐘早宿禽安爲僧抵合於斯住些子塵中事不干
過湖州

平生只想住湖州僻性迂情可自由一片水聲中倚杖幾重山色裏行舟
東林書卷貧猶買西塞綸竿老未收緩得歸程過寒食杏花村雨聽鳴鳩
溪居

紅葉如花翠竹低風烟重叠護幽棲午鷄喔喔連他境一犬嘹嘹隔此溪
秋水放船天上下夕陽倚杖陌東西如何野店山橋外又送行人過馬啼
寄竺庵之中天竺

花外牀琴坐不休滿懷風露思遲留淒涼蟋蟀聲中月斷送梧桐葉上秋
幽夢每隨春艸人尺書還寄暮鴻愁思君桂子新涼夜正在天香第幾樓
題林屋洞天

群山包水水包山金作芙蓉玉作環洞裏有天通五嶽山中無地着三班

白雲彷彿鷄初唱，碧海迢迢鶴又還。可惜桃花有凡骨，年年隨浪出人間。

螺川送別圖

五老峰前送別圖，社賢今日未應無。路經黃葉千年寺，人倚西風十幅蒲。銅斗舊歌聞楚甸，尊羹新興入吳都。重山復水閒蹤跡，自在飛雲一片孤。

與董子章宿江上

啼螭力盡月初斜，客舫因秋半欲華。霜氣看人唯隔紙，難聲聒夢卽浮槎。傷歌寧戚牛誰飯，懶性稽康虱自爬。明日風烟各回首，江頭紅葉勝開花。

喜友過新居

柴門不向小溪開，西阜山多稱不才。柱丈前村新雨後，故人東郭買舟來。山瓢遠慰何多幸，竹逕相逢第一迴。從此熱來溪上路，莫教行迹有莓苔。

哭榮竹方

簷竹蕭蕭雨建瓴，無由復此對牀聽。燈花影落空棋局，墨汁香消冷研屏。春水池塘新舊州，東風楊柳短長亭。傷心一段交期夢，又被寒江鶴喚醒。

爲馬仲禎題一灣烟水

占得沙河水一灣，此身能與狎鷗閑。桃花斷岸無船到，楊柳衙門盡日關。

千里烟波歸老眼十年魂夢入鄉山扁舟西塞山前路流水肥魚待爾還

荆溪有懷

荆溪一壑舊風烟鷗鷺盟中念昔賢春水田疇綠玉局夕陽庭樹杜樊川
鷄聲嘒嘒荒村外鳥路迢迢暮靄邊欲覓高僧問南嶽碧雲西望艸芊芊
病起觀書訣

三十年餘翰墨中一編書訣伴衰翁賜丹曾起元常疾舊塚寧論智永功
碧海魚龍春自化故山猿鶴夢誰同如今短杖殘陽裏閑數秋空斷陣鴻
故宮井

上有千尺桐下有千尺井風吹井上桐雲落井中影

題桃花小禽圖

簷外雨初晴幽禽四五聲桃花無限思留客看清明

次韻張一笑秋思

閑庭涼思晚悠悠誰遣詩人到水頭兩岸蟬聲西照裏豈容楊柳不先秋

風雨

風雨閉門三十日年光虛度一分春悽涼舊國鶯花夢白髮江南有幾人

宿呂城

呂城街裏聽鷄鳴，豈料三年在上京。風雨淒淒今又聽，舊時雙耳舊鷄聲。

天平主禪師書至賦詩答之

二首

西山鷲鶴少因緣，只向天平住一年。無限別來惆悵事，紫藤花落寺門前。姑蘇城下別兵前，水北雲南自可憐。一紙書來開不得，傷心猶恐說當年。

寄秘書直長夏祥鳳

得見人間未見書，朝朝暮暮玉階除。心如一寸芸香蠹，長與君王辟蠹魚。

題劉松年桃花山水小幅

杳無鷄犬有人家，夾水山高路不賒。劉阮別來頻甲子，年年春雨送桃花。

游西洞庭

玉柱金庭在洞中，當時誰道有毛公。人間白髮三千丈，只見桃花一片紅。

題顧定之竹画

吳下曾逢顧定之，十年長記別來時。蕭蕭白髮江南思，誰解尊前唱竹枝。

謝車叔銘寄筆

寄來名筆自湖州，珍重齊中十襲收。早晚翻經有僧到，芭蕉先種待新秋。

春雪

江南二月正多春雨雪凝酣
侶醉人迷殺北歸江上雁
百花樓外一聲新

送僧還義興簡聰聞復

別却銅山三十年
因師長憶舊風烟
今朝忽送東歸客
正是秋江落水前

聞芷

白芷花開繞屋香
一時秋思入江鄉
雲多水濶人難見
楚竹歌聲動夕陽

春江送僧圖爲芳上人題

喚得春船柳畔頭
欲行猶更話綢繆
水雲踪跡明朝夜
又聽鐘聲那寺樓

與顯元白宿南山

南山夜雨會同聽
夢隔聲分二十年
今雨復來聽復共
白頭窗裏一燈前

憶昔

年餘五十二毛新
三十年中在戰塵
說與兒童都不聽
爲渠生是太平人

橫塘寺

紗羅圍裏好僧坊
兵火年來事可傷
白髮老人知舊寺
繞塘樓子十三房

次韻可閑居士題雙松高士圖

如此溪山着此身春袍猶帶洛陽春尋思馬上看花夢曉雨香埃屬別人

中秋奉懷幻隱禪師

秋正平分月正圓峰前桂子落亭前老禪方丈寂寥夜不眠俱經二十年

題王黃鶴画竹

輞川竹裏舊題詩画裏如今似見之滿耳秋聲人不到彈琴長笑月來時

寄毗春谷講師

有德高僧亦有年少曾行到寺門前尋常獨看華嚴處十二時中栢子烟

哀翁舜卿

半日曾開竹院中別來今見哭秋風無能盡說諸餘事一局殘棋著未終

田人送桂花有懷同菴法兄

上清宮裏花開殿天然山中月下臺兩地有游同悵望田家人送一枝來

聞笛

上花如雪繞江春江水迢迢入夢頻一夜東風有羌笛滿城都是惜花人

秋曙

二十五聲秋點殘露華偏濕早窗寒雁鳴西月簷牙上猶照梧桐落井闌

湖上

六橋山色最湖光
柳傍桃隨十里長
無限紅香多少絮
併將春恨與劉郎

悼明徹菴二首

同門兄弟最情親
水別雲期四十春
今日獨歸秋院裏
碧梧桐下竟何人
我去兄來住此間
兄今已死我方還
受經寺後同源水
一樣哀聲出兩山

題明辯之画春江聽雨圖

歸來雙鬢各蕭然
見画猶能記昔年
風雨一船曾泊處
借人燈火艸堂前

傷翁舜卿

去年曾約看臨池
往事如今不可追
正是獨禁惆悵處
芭蕉院裏雨來時
寄性空上人

南山掛錫已多年
不涉人間一線緣
上殿罷來誰共坐
數竿修竹舊房前

懷一菴禪師淪雪齋

淪雪行齋久不尋
會時長憶在春深
今朝睡起桐花院
獨把楞伽坐樹陰

柳詞

莫折東風楊柳枝
枝間葉葉是愁眉
游人不省愁何事
曾向東風笛裏吹

題蘿壁山房

青蘿壁下一僧房，長日唯燒一炷香。
風在竹間人在定，鳥銜红柿落柴牀。

次韻福無受過橫塘塔

短籬依舊逐溪開，小竹從新繞塔栽。
燕子歸來春已去，藤花落盡水縈迴。

題湖心寺画

野橋山路入湖心，古寺閑房住得深。
未了平生行腳事，秋風拄杖或來尋。

愛閑

一生心事只求閑，求得閑來髮已斑。
更欲破除閑耳目，要聽流水要看山。

題一雁圖

萬里江湖一葉身，來時逢雪又逢春。
天南地北年年客，只有蘆花似故人。

送廬山長老

九江前面是廬峰，傾想平生未得逢。
今日送師無限思，暮潮春樹月明鐘。

題春山雨霽圖

絲絲暖雨歇春朝，雲壓紅流落澗橋。
欲覓桃花無路入，却聞風度玉人簫。

題僊山樓觀

複水重山路杳然仙家樓觀入青天那知白首黃塵事只伴桃花度歲年
偶作

月月紅花開小庭夏蟲綠吐繞枝青如何錯怪游仙枕五十年間一度醒
題錫僧會歸昌化圖

溪聲泱泱樹依依路入蘿花白鷺飛風景有誰知可画亂山深處一僧歸
寄洪時齋

艸上東風柳上烟溪頭三日嫩晴天竹鷄叫斷春泥滑閑與梅花說舊年
題書經室

池邊木筆花新吐窗外芭蕉葉未齊正是欲書三五偈煮茶香過竹林西
送馬仲禎之潁州

別離依舊柳重新楊子江頭白髮人一月路程千里夢客中消却幾分春
題画八首

鸚鵡多情語曉風惱他枝上白頭公分明一段江南思烟雨樓臺似夢中
亂山深處白鷗洲不見漁郎問隱流春屋醉聽三日雨桃花落盡水悠悠
接藍春水暖初流擘絮晴雲濕未收相約杖藜同步出有詩多在小橋頭

碧柳絲絲拂釣舟溶溶水面一群鷗不知誰在茅堂住坐看青山到白頭
江亭湖寺兩蕭然画裏題名二十年幾樹夕陽流水外斷風殘雨裏鳴蟬
陰森群樹濕秋光橋下溪流接艸堂聞有客來先出候黃花村路雪吹香
仙山曾謁大茅君橋裏桃花兩路分不道樓臺風雨上又聞鶉犬隔春雲
碧水前頭樹一林留雲僧屋住來深泊舟橋下青苔畔不得桃花不可尋

題画紅梅

三百年來處士家酒旗風裏一枝斜
敗橋荒蘚無人問顏色而今似杏花

題画梅月

疎花纖月鬪清寒曾向西湖雪後看
零落斷香三十載幾家風笛倚闌干

題柯博士竹木小幅

延春閣裏拜恩時祕画唯教博士知
十二天街歸日晚馬頭長見出牆枝

題倪雲林疎林遠岫圖上有周履道題

東海東吳兩故人別來二十四番春
而今遠岫疎林外一抹殘陽一老身

秋亭

十日陰雲雨未收山中新漲足溪流
杖藜不到閑亭上恐有秋聲在樹頭

題芍藥

玉階宜有此花開金鼎調香宰相才莫謂人間無綵筆寫將穠豔入雲臺

題秋山水圖

木落蕭蕭秋露濃亂山無數月明中十年不到雲門寺買箇船兒過浙東

題水壘雲山雨意畫

雲壓樹頭兼雨氣水流溪口夾秋聲就岩著箇茅堂子不必青山定有名

萬竿烟雨圖

空江秋雨又秋風疑殺前山路不通多少黃陵莎艸恨盡情歌在竹枝中

爲順首座題画

長憶春江雨後山看雲如入画圖間何人肯袖漁竿手閑却扁舟在水灣

集外詩一首

周玄初禱雨詩

蘇臺羽仙食玉霞鶴年松骨輕如花畫騎金背之神幕奉持綠章扣天家
請陳旱魃爲妖邪憐焚原隰疑燒畝艸葉焦卷鏤石沙大田秋稼繙不芽
忍聞赤子聲嗟嗟帝呵將吏乘黑駒驅逐雷雨鞭雷車玄雲着地手可擎

兩脚不斷紛如麻來蘇百物活魚蝦博哉陰功上相嘉濟多士稱樂巴
羽仙不以名爲考飄然見歸解京華冶城仙子邀相遮拍肩挹袂爭誼譚
憶著安期棗似瓜招呼不上松風槎

同菴簡公

夷簡字易道義與人與止菴祥公同嗣法於平山林和尚洪武五年與鍾
山法會十一年住杭州淨慈寺十二年住南京天界寺除僧錄左善世鍾
山法會詩八首以應制篇章宣說第一義諦聲韻鴻朗宣公紅樓之作方
斯蔑如矣

鍾山法會詩八首

洪武五年正月十五日朝廷就鍾山寺大建法會普濟幽冥四年
十二月十五日上御奉天殿集公侯百官宣諭建會之因禁天下
屠宰上先齋戒一月以嚴法賦齋戒

玉食金盤去八珍九重齋戒諭群臣版圖寶貢無中外鬼錄流亡有故新
佛事五天均至化民生四海賀同仁普通有願長蔬食曾夢神僧水陸因
正月十三日三鼓時上御奉天殿集公侯百官奉上佛表命禮部

尚書齋赴鍾山啟建法會焚之賦奉表

御手封函出紫宸百靈効職共紛紜尚書夜待三更漏使者朝持五色雲
宣室鬼神徒有問茂林封禪設能文陳情此日趨靈輦萬歲千秋報聖君
十五日上服袞冕乘輦輅赴法會至日夕迎佛上率公侯百官臨
法筵供佛行大禮樂用善世等曲先是十四日微雪呈祥等卽開
霽是夕星月在天風露湛寂綵竹迭奏燈火交輝禮儀之盛前古
莫及賦迎佛禮佛送佛三首

驚憤幡幢下界來先令滕六淨氛埃微風不動燈如畫明月初昇樂似雷
宿衛萬夫嚴虎旅從官千騎駐龍媒袞衣儼在通明殿一朵紅雲擁不開
天子臨筵禮覺皇衣冠陪位亦侯王寶臺高處金蓮色珠樹中間玉佩光
幣帛奉陳先盥洗茶甌初獻謹焚香漢庭不必論前夢親親金杏在上方
皓月華星傍九霄夜深端坐坐躬勞樂聲按舞漁山近花雨飄空勢欲高
玉冊讀文傳太祝金杵捧奠出儀曹從容望燎臺興動目送中天白玉毫
宣諭鬼魂賜以法食賦諭鬼

萬方駭戮到漁樵三日齋官德澤饒朽骨又象周室塋游魂不待楚人招

千年象教來中國一代威儀出聖朝慚愧山林何所報耕桑滿野甲兵銷
詔龍灣普放水燈以燭幽暗賦水燈

持節馮夷向夕過遠分燈火出官河斗牛光動天垂野風露聲沉水息波
海族樓臺休罷市鮫人機杼不停梭九泉無復悲長夜莫問南山白石歌
法會三日止之臨幸十三日天雨娑羅樹子近臣得之以奏獻焉
十四日詔皇太子諸王同觀法會賦迎駕

千騎東華玉輦來鍾山渾勝妙高臺旌旗寶樹重重入樓閣香雲一一開
仙仗齊從三日幸春官詔許五王陪近臣共說天顏喜收得娑羅樹子迴
夢堂噩公

曇噩字無夢又曰夢堂族姓慈溪王氏師事雪庭傳公相宗律部晝夜研摩
教相既通篤意禪觀慈元叟端公于靈隱機鋒交元叟欣然領之命掌
內記出世于洞東三名刹國師錫以佛真文懿禪師之號洪武二年召至
京既奏對上憫其年耄放還越四年而終夏八十有九公少學文於胡長
孺爲袁倫張翥輩所推服易斯道少從公授文法遂以名家宋景濂序斯道
之文以爲經噩公之指授得其心印云

金山寺

崢嶸兩岬市塵開愛靜人尋此處來水底有天行日月山中無地著塵埃
塔擎燈影明雲杪船載鐘聲出浪堆自信平生有仙骨好風吹上妙高臺

山陰舟中

平明飯罷促高梢撐出五雲門外橋離越王城一百里到曹娥渡十分潮
白翻晴雪浪花舞綠弄晚風蒲葉搖西北陰沉天欲雨臥聽篷韻學芭蕉
陸儼山詩話云周初越中詩人劉孟熙唐處敬輩游集曹娥祠一僧敝
衣坐船尾衆方分韻賦詩殊不之顧忽作禮云有剡蘭乞布施一箇拈
蕉字與之置卽應聲賦詩云云衆驚曰公非夢堂乎遂邀入社

用堂梗公

子梗字用堂四明之奉化人族陳氏古靈先生之諸孫嗣法元叟端禪師
居四明掌內記雙徑出世鄞之護聖奉化之清泰若古鼎銘公笑隱訢公
斷江恩公皆嘗叅扣張蛻庵嘗跋夢堂璽公及公吳中唱和卷以唐皎宋
潛爲比及應召至金陵與宋景濂遇于護龍河上宋復叙其水雲亭小稿
尤歎其詩文以爲寄情翰墨獨露本真近代明教實覺之流也

金陵行

從古佳麗金陵州到今城郭枕江流埋金往事墮茫昧合風老樹長蕭颼
寒潮喧聲響西浦碧海渺渺天東頭二水三山涵遠景龍蟠虎踞橫高秋
黃旗紫蓋化榛莽庭花玉樹傳商詎六帝雲浮幾蒼狗三國角闢真蝸牛
青山似洛祇復歎神器歸隋良可羞鳳凰何來棲李樹滄海成涸滄滄洲
天漣已知徒恃險地肺只合從仙游君不見昔人黍離歌宗周彷徨不去
悠悠天荒地老著許愁日往月來無時休霜飛臺高朽修修人謂我歌
將何求

道原法師衡公

宗衍字道原中吳人至正初善爲詩住石湖楞伽寺佳山水處一時名士
多與游而尤爲危翰林太樸先輩覺隱誠公所推許嘗以僧省堂選主嘉
禾德藏寺才辯聞望傾于一時年四十三而歿係西白金剛其法聲九阜
德藏進行詩序云當時石湖與危先生相知而未嘗相見洪武革命先生
歸江南始克序道原所著碧山堂集而道原之歿久矣道原遍讀內外書
資以論而獨長于詩博采漢魏以降而以少陵爲宗取喻託興得風人

之甘故其詩清麗幽茂而在可傳也

石湖閒居

過懶愧前垢晨起亦已勤開門掃積葉首色一何新不知何夕雨餘濕未
生塵初日照修竹青山可憐人俯仰衙門下誰知此意真

遣興

龍化不改鱗士達不改身借問當路子如何弄腹食仲尼稱大聖原壤乃
狂人光武有天下嚴陵賢隱淪故傳不可忘何況師友親嗚呼千載下此
道如埃塵

獨坐

客至固足喜不至靜亦佳柴門終日掩風過有時開豈不念笑言輕易交
成乖庭柯有好息衆音何啻啻是征暮來止乃與我心諧

泊平望

計程息勞牽日晚江路永連櫓如有符聚泊就村井沙明鷗群回月出人
語靜心清獨不寐況乃風露冷因思往來客終日困馳騁得非衣食累無
乃緣造請吾人方外士素志慕箕頰胡爲淹水宿混跡問遷延丈夫別有

念此意誰得領人生未問道如何臥烟景

雜詩次俞伯陽韻

無營百慮省有作慮乃多空林無客過寂寞類山阿果然風自戾蛛絲當
戶羅斷蓬非無根落木亦有柯所懷願不獲抱恨將如何白雲恨悠悠回
首聊詠歌

靜趣軒

躁靜失本性滯寂聖所訶不有止觀幻欲靜動念多道人非避世偶此住
山阿幽侶不到門況聞車馬過閒雲謝冗跡止水無驚波山光明日庭定
起聊婆娑擾擾奔競者聞風意如何

感興

雨橙當我門昔種不盈把十年各長大我坐在其下風吹枝崢嶸壞我屋
上瓦伐椽傷屋甚小過且容捨樵兒驅之去不去反怒噴豈不有曲直但
念是比隣

道興

清晨啟重門童子淨麗掃披衣視天宇照曠日杲杲憶昨懷故園似遭青

山憫一捐彼此念適意無不好我性真坦事逢人輒傾倒非關淚我欺羸
落自不早涼颼吹衣裳溪色映青相飲水讀我書逍遙以終老

對菊有感

百艸競春色惟菊以秋芳豈不涉寒暑本性自有常疾風吹高林木落天
雨霜誰知離落間弱質懷剛腸不怨歲月暝所悲迫新陽永歌端去來此
意不能忘

題韓回馬圖

唐朝回馬誰第一韓幹妙出曹將軍此圖無乃幹所作世上有若真空群
雙瞳精愛兩耳立蘭筋束骨皮肉急何年霹靂起龍池五花一團雲氣濕
當年天子少馬騎遠求烏孫詔寫之卽今內廐多如蟻縱有騏驎盡者誰
中山堂爲許隱君作

俗子居山不見山靜者居廬山在眼請看東郭許隱君中山之堂最蕭散
堂前種竹堂後登森深笋長萱花繁大兒稱觴誇花下小兒讀書當竹根
城中無山亦可樂城中有虎仍戴角啼來不愁虎食人閉門日醉中山春
萱庭春意爲胡景仁作

春庭種萱春日長春風吹衣春酒香閉門讀書母在堂百畝之稻五畝桑
萱能忘憂無憂可忘晨羹須調不須鯉婦善奉姑姑自喜阿孫來來花下
戲慎勿傷花失婆意

晚涼懷故山

疎林生晚涼微日暎書幌南山澹相對幽磬時一響懷歸見素心感舊發
遐想稍待秋橘香風汀蕩雙槳

浴罷

浴罷振輕袂漱齒汲石井木落歲已秋山深夜逾靜細詠餘幽響清心寄
真境松門涼月陰挂杖一僧影

啄木

啄木江南飛蠹虫生上林江南亦有蠹不聞剝啄聲蠹種日以滋木病日
以深啄木不啄蠹孰慰鳳凰心

墨蘭

然雪春已晴沅湘水初滿去年故葉長今年新葉短波明碧沙淨日照紫
苔暖不見澤中人江南曉雲斷

涼風一葉落志士感其微豈但振爾木寒將裂我衣
治田去稂莠所憂稼穡稀君若不見察善類將安歸

紫蘭生幽林聊與衆艸伍青蠅亦何物天乃傳其羽
鴟梟紛翱翔鳳鳥不一覩自古已云然今人況非古

秀州東郭舟中

自在眠沙鳥叅差入郭舟山林吾計拙天地此身浮
曉氣成雲住晴波雜霧流攬衣疑厚薄十月暖如秋

楞伽寺得月屋

月出湖水湄清輝映林屋山明秋樹靜照見幽鳥宿
開門誰遣入俯礪近可掬道人猶未眠經聲出深竹

吳江晚泊

風壤三洲接江湖一水分虹消滄海雨日落洞庭雲
客意終難盡漁歌不厭聞長思陸魯望不出可忘君

野鷄毛羽好

野鷄毛羽好不如家鷄能報曉新人美如花不如舊人能績麻績麻作衫
郎得着郎見花開又花落

此詩流俗訛傳爲陳少卿妻寄夫之作今削而正之

題川船出峽圖

瞿塘險爲三峽門兩岼束急洪濤奔十丈江船萬斛力一篙失勢原無根
前船纔過後船出蜀商來往無虛日君不見人間行路難咫尺風波永相
失

題扁舟醉眠圖

江水蕭蕭江岼風泊舟不歸何處翁鼃鼃出沒浪如此爾尚醉游春夢中
空山雲深白日靜松聲如濤屋如艇歸來歸來毋久留不歸恐君將覆舟
秋興

一別空山舊艸亭衣裳五見點秋螢沙沈短艇餘菰米苔臥長饒老茯苓
弱水蓬萊那可到瞿塘灩澦不須經歸帆早晚吳波裏嫋嫋涼風望洞庭
題趙松雪墨蘭

湘江春日靜輝輝蘭雪初消翡翠飛拂石似鳴蒼玉珮御風遠着六銖衣

夜寒燕姑空多夢歲晚王孫尚不歸千載畫圖勞點綴所思何處寄芳菲

錢塘懷古

鐵馬悲鳴汴水黃翠華南渡駐錢塘至今父老稱行在往昔君臣認故鄉
銀海雁飛虛夜月銅盤仙去只秋霜乾坤離合寧非數詩罷長吟意渺茫

子熙兩和詩寄再用韻以答

梁甫吟餘自荷鉏南陽非復舊門閭春愁亂逐楊花起秋興頻將柿葉書
水落楚江尋陸鶴艸荒吳苑問蒸魚遠游憶母還歸省安得雲萍有定居

次韻春日西湖懷古二首

當時翠輦此經過天馬玲瓏撼玉珂宴罷湖山芳艸合歸來風雨落花多
子規夜半啼宮樹翁仲春深帶女蘿自古興亡多有此不須惆悵問如何

錢塘父老眼看天國破尤能話昔年江州忽嘶關北馬風帆不返海南船
空林落木無人掃廢苑餘花只自妍此日西湖回白首功名若箇在凌烟

吳江晚泊

無數舟航共晚晴大星先見月初生背人白鳥雙飛去隔水幽花一樹明

漁村夜歸

月落蘋汀宿霧凝小橋霜冷掛漁罾歸來已是三更後水際人家尚有燈

西白禪師金公

萬金字西白吳郡姚氏子依寶積院道原衍法師爲弟子更衣入虎林謬銘古鼎於雙徑俾掌記室分座後堂至正丁酉出世住蘇之瑞光寺效編蒲陳尊宿作孤雲庵于城東以養老母洪武改元起住持大天界寺萬機暇時召入禁庭奏對稱旨四年春詔集三宗名僧十人及其徒二千建法會于鍾山命總持齋事靈承上旨勅建規式師以母耄舉全室助自代復還庵居五年冬復建會大駕臨幸詔師闡揚第一義諦一日示微疾委順而化六年十二月也世壽四十又七公初爲天台之學研精秘義至正中辭母東遊陳敬初有文送之其說如此厥後得法古鼎并諸緣而躋覺路直指心源機用迭發宋景濂謂寂照之子孫各主名山大暘宗指師亦其一人也吳人但知師爲道原之子不知其嗣法因緣如此師名萬金或改爲力金誤也

趙千里田家四季圖二首

桃花浪已深楊柳風猶弱隣曲欣往來逢迎勸耕作健犢不自暇老農良

有託共醉社日尊陶然得真樂

蚕事方告成鳴蜩有新聲插秧雨初遍治艸日不停雜坐高樹陰解衣午風清作勞時自逸孰謂非常情

錦莊漁隱圖爲醫士作

錦莊園林錦不如幽深彷彿神仙居舍南舍北賸栽杏水落水生惟釣魚嚴陵終辭光武祿郭玉素受涪翁書眼前生意日已廣桃源鷄犬同村墟

次韻李希頌同知登吳山有感

鳳舞龍飛運已更江流難挽幾傷情荒陵鳥雀聲如怨故國風雲氣不平冠蓋偶然尋勝地旌旗且莫指邊城登高別醉黃花酒更擬重陽一日晴

九臯聲公

妙聲字九臯吳縣人景德寺僧嘗居常熟之慧日寺師事古庭學公洞明止觀縛縲內外典善詩文主平江北禪寺洪武三年與西白金公同被召莅天下僧教有東臯錄七卷洪武十七年法孫德猷所刻

飛鯨樓詩

崇樓言言上下太清鴻鍾在縣飛鯨是名在昔先民制器尚形取類相感

用訟其聲此方真教由聞而入誨教法音昭我玄極假物以鳴與世作則
震驚大千群動咸息維此積善靈僧之官爰作斯樓驚昏啓蒙侯誰尸之
曰沙門惠公胡潰于成弘誓在躬瞻彼飛樓峙於東海華鯨在茲蒲牢震
駭苦輪乃軼音場音易無礙於千萬年迷者永賴

蒲菴

循彼南澗言采其蒲采之何爲滌澹是圖彼蒲之良利用爲屨載絳載網
如蓺稷黍我思古人維睦之陳克用是道甚宜其親我行四方十年于今
母寔有命予何弗欽乃桑我居於越之野悠悠我思朝夕于楚亂離孔撫
山川邈悠豈不懷歸水無行舟爰有清泉在居之側旣浸旣灌蒲葉疑疑
蒲葉疑疑蒲生日多母氏燕喜我勞其何

和感寓并雜詩三首

悲風耘黃華芟舍依楸棘歲歉兒苦饑家貧母猶績寒窗秉机杼卒歲不
成匹里胥夜踠門叫怒催絰織寒余晚歸田畊不如仲力一飯愧其人安
敢自皇息

胡雁乘朔風矯矯厲羽翼江南稻梁地異彼陰山北所憂弋者篡繒繳在

尋尺奈何隨陽侶自剪排風翮豈知絳羅罔復思膏鼎本不飛冥冥于
今悔何益

有虞昔南狩死葬蒼梧山帝子泣幽怨至今竹斑斑重華骨已朽淳朴何
時還我欲往從之洞庭汨孱顏夢寐真靈瑣懷椒候其間安得御風去揮
手謝人寰

題滄浪醉眠圖

云云此河水水渾不見底水渾猶自可水深將沒汝舟楫無根抵風波無
時休不如高堂上飲酒可忘憂

雨

密雲遂崇朝飛雨灑高閣蕭瑟傍松檜委迤帶烟郭坐來池水滿吟罷林
花落已知禾黍秋不奈衣裳薄

村居圖

東邨有隱者素髮颯垂領几上種樹書門前釣魚艇抗稊風露深葭蕩天
水永雲飛洞庭小花落春戶靜懷哉古逸民披圖發孤咏

漉酒圖

棄官賦歸來田家酒初熟脫我頭上巾漉此杯中綠獨漉復獨漉流多酒
還濁酒濁猶自可世濁多返覆桑枯柳亦衰但有松與菊田父晚相過相
與話墟曲共醉茅簷下此生亦以足

靜寄軒

深居一室靜獨坐群動息涉世諒無營照空欣有得風吹松上雨花落澗
底石常期永日間共此喧中寂

送僧歸日東

碧海蓬萊外扶桑日本東居然成絕域久矣染華風王化能柔遠遐琛亦
會同佛書龍藏古梵夾象胥通問道來飛錫浮生若轉蓬中朝師法在厚
性聖思隆歸羨翩翩鶴吟瞻肅肅鴻片帆唯就日萬里若游空洗盃鮫人
室焚香海若宮將迎煩國主感歎聚隣翁告別行何遽題詩媿未工縣知
音信絕徒望海霞紅

題老馬圖

老葉京郊道空思與北群蕭條千里足錯莫五花文甘符秋風遠靡蕪落
日曛太平無一事愁殺故將軍

題黃子久山水

黃公東海客能画逼荆關意盡皴
崖外精深真澤間援啼明月峽木落
浩聲山谷口蘿烟暖騎驢獨未還

和薛生早秋見寄二首

雨洗秋容澹江含霧氣深
候蟲依井徑歸燕拂檐陰
庾信江南賦靈均澤畔吟
正愁聞古調諷誦重兼金
涼風起蘋末落葉洒衣裳
物色悲行客乾坤入戰場
參軍尚短太尉足何香忽聽吟梁甫懷人意甚長

楊花咏

飛飛辭古柳冉冉媚晴空
愛爾白於雪況乎兼以風
游絲相上下戲蝶或西東
終然太輕薄飄轉委泥中

望鷗軒

客有忘機者開軒命白鷗
同心如此水有約共滄洲
爾性何其靜吾生亦若浮
自今期歲晚風雨亦相求

賞靜軒

雲竹澹相於深宜靜者居香飄晨梵合花落莫禪餘坐有高閒客牀留止
觀書一身仍擾擾何處問吾廬

吳宮四時詞四首

柳色暗闌門霓旌拂晚雲湖邊采香罷就問水犀軍
何處堪銷夏龍舟過洞庭誰歌采蓮曲江上越山青
金井落梧桐茱萸繞殿紅君王愛秋色多在館娃宮
宮闕夜如何風飄宛轉歌更開銀燭滅落月在江波

題高尚書九江暑雨圖

尚書畫山山巖崑九江秀色開森茸況當五月暑雨交雲氣滂勃川光動
五峰削出青如遶綠樹彷彿聞零猿猶瞻謝眺青山宅不見米家書畫船
何人出門面山立頭上烏紗翠痕濕誰喚山東李謫仙來觀瀑布三千尺
于今戈戟亂如麻使我披圖一永嗟欲買沃洲婦共隱江山如此屬誰家

贈四明弼書單生

古人讀書手自寫今人藏書充屋椽牙籤插架不解讀何異愚翁工守錢
單生持書入我室竹光落牀亂絳帙居貧不能常得書爲我借觀留數日

昔在鄞江識單生于今白髮老于行明年偶有江船賣我欲從君覓論衡

栢子庭畫松障歌

高堂誰畫青松障栢下筆開殊狀小枝交錯鉄不如大枝森竦劍相向
筆馳元氣天爲泣龍擘海水神俱王滄江風雨六月來白日雷霆九天上
想當飛墨縱揮洒應遣酣歌助悲壯于時畫者亦有人栢也用意寔豪放
猶憶海虞山裏時往往見我索題詩豪緣到手不暇擇爛漫圖寫寧復辭
只今風流已冥寞使我見之增歎愕況當木落秋氣悲撫事哀吟忽如昨
烏乎栢兮那復見蕭瑟淒風動寥廓蕭瑟淒風動寥廓應有松子僧前落

采蘭堂

去年采蘭蘭葉長今年采蘭蘭葉短秉芳欲寄路漫漫國香零落風吹斷
蓮華峰下采蘭堂永懷佳境不能忘上人開窗面山坐山水含暉吟謝郎
三生誤落夫差國翠結瓊琚香不息目斷王孫游未歸江南春艸連天碧

効飛廉

飛廉事紂億厥宗何自上天司八風噓枯吹生在掌握竊弄神柄貪天功
四月五月旱大甚天地翕赫方蟲蟲原田蕪蕪赤如燎種不入土啼老農

兩師鞭霆走群龍玄雲四合零雨濛胡爲吹雲使消爍更鼓烈醖翻長空
斯民焦勞亦何罪得不哀怨號蒼穹天雖處高聽甚聰汝敢迷罔斧爾躬
天誅將加不可道殛死大荒誰汝恫

龍掛

白龍下天欲行雨赤日卷水江中央銀河東傾浪波接劍影倒射雲旗揚
下民方憂涸轍鮒上帝許借天瓢漿龍來勸爾一盃酒平地水深三尺強

題乘槎圖

秋風駕洪濤靈槎中蕩搖恍如乘船天上坐帝青九萬無纖毫黃姑織女
長相見曙來空記當時面至今海與銀河通何因再得相從容

題王弘邀淵明圖

江州刺史何爲者載酒邀我廬山下乃翁在山不在酒解后寧辭爲君寫
達公招之不肯留平生誰省王江州門前五柳至今在江邊桑樹水空流

題畫馬

四首

真龍矯矯空大群笑官牽來氣若雲黃金骨法頗清峻畫者似是曹將軍
驚駘高驤飽芻粟白駒駘下傷局促方今相者多舉肥苴盡權奇須盡肉

畫師胸中有全馬三馬斯須生筆下中有一匹玉花驄侶是西來大宛者
不群不食意氣豪羞與二馬同凡槽使我見盡三太息乎今誰是九方臯
皎皎白馬白於練首如渴易目如電天閑駢驎人不見畫師爲我開生面
圉人牽浴定昆池落花滿地驕不嘶青絲絡頭無一丈挽住萬里昆侖蹄
前朝王孫善畫馬筆跡不在曹韓下君看榻上玉花驄風骨權奇絕蕭洒
却憶至元全盛時四十萬匹皆吾師崇天門下宜入貢太僕牽來親見之
李君愛馬人莫比意氣相期論萬里千金買得真驂驄早晚騎之見天子

贈駱自然

代人作

駱生家在錢塘住正近曲江蘇小慕生來無目最善音自小學歌今獨步
憶昔太平開樂府新聲傳得官中譜摩訶兜勒西城來子夜吳歌自風土
一聲悲壯梁塵飛二聲激烈行雲住三聲四聲山石裂魑魅夜走猩猩啼
我來江上忽相見聽我履聲如識面殷勤道我攻詞章吾今衰也何由美
落花遊絲春寂寂來前再拜當筵立爲我揚袂歌一行滿堂聞之皆動色
我本東西南北人如今天地盡風塵勞生觸事易成感使我泣下沾衣巾
駱生駱生吾已老往事悠悠勿復道已將身世等浮雲莫把新詞故相惱

掩琴罷坐求我歌我歌哀樂何其多人生百年能幾何駱兮駱兮奈爾何
花殤

去年高秋洞庭客贈我兩株木芍藥手種東臯未成旬紺茅怒長紅英折
今年春深花滿枝噓霞弄日相因依紅蕖火城丞相至錦翻晴晝買臣歸
當堦矜持顏色好使我行吟被渠惱看去還期到子孫歸來聊以娛吾老
那知零落委泥沙雨咽雲愁共歎嗟柳色鶯聲雖復在游蜂戲蝶落誰家
飄香墜粉無人拾游夢妖魂歸不得種樹空思郭橐駝寂寞因悲洛陽陌
艸堂獨坐見秋風彌信吾家談色空安得人間名盡手倩渠移入畫圖中
落花歎

朝見紅白花莫見青葱樹不愁花落總成泥但惜人生不如故滋蘭公子
江南客再拜東皇留不得九州塵土浩茫茫付與楊花作春色東溪埜老
自忘機坐對落花吟夕暉猶聞葉上黃鸝語不信東家蝴蝶飛

對雪

青天喬林九萬里朔風吹花如剪水謝家女子強多才却道柳絮因風起
鴻雀無食愁奈何
山頭寒更甚
人曉得
詩千古
空傳黃竹歌

王有恒聽雨逢

江南雨多春漠漠蘼條中寬可淹泊坐聽蕭瑟復瑤琤若在洞庭張廣樂
水蘭之根青翰舟斜風細雨不須憂筆牀茶竈便終日知我獨有滄浪鷗
廿年携書去鄉國蕪城艸淅歸未得援琴時作廣陵散魚龍出聽天吳泣
江湖適意無前期身如行雲隨所之平山堂上看春色還憶江南聽雨時
爲陳仲孚題薛公遠墨竹

前朝畫竹誰第一尚書高公妙無敵近世多宗李集賢房山真蹟那能得
澹園學李殊逼真柳州半刺題銜新鷺山之虛況多竹畫品近來應入神
東臯溪傍艸堂小羅池廟前春雨早三千里外見似人玉立長身照枯槁
石湖今有太丘陳孤竹春陰生子孫清風高節在封植知有王猷來款門
仙家近題劉阮圖

白雲滿地迷行路溪流百折無由渡水上見胡麻有人雙綰紗仙家知已
近失喜驚相問洞口碧桃開郎君何處來

甲午歲感興

開極規模自有初舊章紛亂欲何如黃河疏鑿功何補楮幣更張術已疎

西郡少年持國是，中原文學滯公車。
河南冠盜由誰致，天下兵戈遂莫除。
偃月堂深資鬼蜮，伏波軍敗縱鯨魚。
百年人物關衰盛，一代經綸屬卷舒。
丞相出師應有表，艸茅憂國豈無書。
疇能一吐平淮策，爲爾排雲謁帝居。

遣興次張翰林韻

漢主憂勤減膳頻，誰令天下尚黃巾。
近聞李廣軍威振，復道張遷使節新。
天意未忘清廟祀，群雄休犯屬車塵。
史臣擬艸河清頌，還屬詞林第一人。
李廣，諱李忠，襄也。時張潞公以使出。

秋興

溪上涼風吹早秋，長空淡淡水東流。
芙蓉露泣吳宮怨，苜蓿烟連漢苑愁。
貢賦未全通上國，王師近報下西州。
關山萬里同明月，偏照詩人自白頭。

喜晴偶題

今年陰多寒未回，三月尚復雪皚皚。
朝來始覺春意動，溪上忽見桃花開。
東家蝶婦苦不早，江南艸深還可哀。
中原消息久已斷，昔時英雄安在哉。

謝惠稿

洞庭嘉實正離離，滿樹黃金欲采遲。
香比陸郎懷去後，霜如韋守寄來時。

開膏直想千林晚包貢空含萬里悲江漢風塵愁路絕食新聊得一開眉
次韻奉和見心師游石湖蘭若二首

楞伽峰如九疊屏何年截取匡廬青方同楚客賦招隱不學山人吟采苓
僧蹊盡種苾芻艸梵苑徧寫多羅經諸天只在雨花外音樂六時來窈冥
近聞移居湖水頭蘭若下刪蒼波流彌猴夜偷鋤杖去鷗鳥日傍闌干浮
揚州月照五湖白洞庭木落三山秋相望只隔牛江水安得贈之雙佩鈎
游石湖次韻

黃山高人之所居金沙花明白石渠無錢愛養方外客有口懶讀人間書
采來青菌總堪食種得黃精還可儲郭西十里不一到題詩爲問今何如
題虎丘寺

有客題詩海涌峰高懷渺渺託冥鴻勾吳伯業荒烟外梵塔觚稜杳靄中
石坐千人停可月劍埋三尺水還風目前無限登臨意古木蒼藤叫郭公

贈袁仲章

吳江城郭太湖東鄉郡新除用武功班秩政同唐六品世家曾拜漢三公
一簾紅雨清明候百轉黃鸝綠樹風知爾本無軒冕意見人渾與舊時同

雙鳳清遠堂

因讀朱桓清遠記知有祇園清遠堂華雲時到五天竺悟月曾棲雙鳳凰
曲檻彈棋春晝永疎簾散帙午風涼欲題好句渾難覓除是高僧俗姓湯
東臯晚望

江虹截雨雨腳斷秋色盡在西南陲洞庭若在五湖外長空洗出雙峨眉
占城稻熟歲字垣日及花開田姥籬杉根倚杖日將夕寒風落木牛羊來
苦雨懷東臯艸堂寄如仲愚

四月淫雨寒淒迷邊軍夜歸聞鼓聲大麥漂流小麥黑富家歎息貧家啼
書囊留滯北山北艸堂故在西樓西焚香掃地早閉戶莫遣袈裟沾燕泥
次韻開元石鉢

磨礱圭角象天圓佛手親持不計年乞食屢經祇樹下降龍岡落滬川邊
懸時寒暄當窗竹洗次遙分卓錫泉神物護持希世寶故遭劫火至今傳
次韻道竹可清明雨

風雨蕭蕭夜向晨清明都付寂寥濱吹殘野外無窮柳消盡江南大半春
臨水桃花還有浪野泥燕了不生塵匡牀坐穩渾慵起賴得同人語笑頻

寄上竺日章和尚時在京師

年踰七十歎衰翁足不良行耳又聾無復白間聽夜雨每因黃落識秋風
有時百步三回坐何日孤燈一笑同想見朝回多論述天華飛落研池中

次韻寄徑山以中和尚

山川樓觀總丘墟雙徑還成化佛居四海重修輿地志群龍仍護梵天書
堊援供筆詩成後玉女焚香定起餘大覺昔承天子詔解知山體本如如

次張士竹艸堂韻

西枝艸堂西復西山回谷轉路多迷蜜蜂出戶櫻桃發桑甚連邨布穀啼
自起開門留野鶴誰能立馬候朝鷄經時不到雲深處雉子將雛鹿有麋

吳山曉行

艸露冷冷著屐行野橋邨巷不知名長庚如李天將曙始聽荒鷄第一聲

表上人梅

夢入黎雲路不分幽香多在定中聞起來寫得橫窗影寄與山中滿谷雲

天淵禪師潛公

天淵名清潯黃岩人古鼎銘公之入室弟子嘗司內記雙徑說法四明之

萬壽歸隱雷峰中洪武中應召爲天界僧官左覺義庚午歲命住持靈谷寺御製詩十三首賜之年六十五示疾留偈而化公初游金陵宋景濂嘗有文送還四明極稱其詩文以爲其才不下于祕演浩初其隱伏東海之濱未能大顯者以世無柳儀曹與歐陽少師也

上命欽和山居詩二首

老來一鉢住岩幽塵境無心得自懸空裏每看花滿眼鏡中漸覺雪盈頭吟餘月照千峰夜定起雲生萬壑秋身世已知渾是夢百年光景水東流白髮山僧住翠蘿餘生身事任蹉跎從石上支頤坐閒向雲中拍手歌設利現時光煜煜伽梨披處影娑娑鍾山咫尺城東地艸木偏承雨露多

空室禪師愷公

公諱無愷字恕中臨海人族姓陳氏初受度于元叟端公多聞法要叅扣入室辦香酬恩則歸之于竺元道公以虎丘八世孫坐大道場說法度人其二會語無相若士宋濂序之初居徑山兩坐剡東名利投閒居太白山中日本國王慕名奏請住持召赴京師年幾七十私謂縱使不往日本又豈能生還乎上見憫特寢其奏留居天界以病請上憐賜歸天童故山洪

武丁卅歲示寂其大弟子玄極頂公輟中瑄公刻其所著山庵雜錄而蘇伯衡爲其序夢觀云可與林間神庵並垂也

示秀禪人

南能北秀同一師朝參暮請同一時胡爲分宗作南北匹似骨肉成乖離只緣見性有差別究竟也知無二說明鏡非臺火裏濕菩提有樹空中樞丈夫豈肯師於心便從陸地甘平沉直是循流了源委三乘教外求知音空室老矣無機智喫飯有時忘卻箸因子陵晨覺贈言觀筆不覺書長句

病中贈醫僧悅可庭

我懷佛祖病不獨病厥躬三界病有盡我病無終窮可庭解醫病聊與言病功虛空病之體病體離虛空呻吟儂笑病歡樂病笑儂推病病不去覓病病無蹤年來識病處不將病掛胸千病及萬病只與一病同有身則有病無身病何從

參禪行贈荷藏主

參禪乎參禪乎參禪須是大丈夫當信參禪最省事單單提箇趙州無行亦提坐亦提行住坐臥常提撕藝然打破照漆桶便與諸聖肩相齊所以

懶瓚不受黃麻詔芙蓉不受紫衲衣既是參禪了生死誰肯逐物成自取
近代參禪全不是盡去相師學言語縱然學得言語成恰似雕籠養鸚鵡
鸚鵡隨人巧調舌白日千般萬般說問渠所說事若何隨問隨言怎分別
勸後生宜猛烈著手心頭便須瞥三乘教典米中沙百千諸佛眼中眉參
禪乎參禪乎絲毫繫念非良圖堪歎神仙張果老灼然不愛藥葫蘆

來禪人求長句

近來禪子好長句纔寫短句便不喜句有短長埋則一何故於中分彼此
長者不知長幾何短者不知短幾許若能直下究根源長短皆由妄心起
阿呵呵囉囉哩須彌爲筆虛空紙寫出贈行一句子此去從君較短長莫
教打失自家底

古劍歌爲快藏主賦

陰陽爲炭天地爐飛廉鼓鞴元氣噓陶鎔萬物絕纖滓神劍脫範成斯須
想得當初運工處號泣神天走魑魅七佛傳持直至今銛鏐熒熒轉銛利
文殊昔日用最親等閑持逼如來身虎氣騰光射牛斗龍身躍水清埃塵
柄櫛何年落君手常陽一擊生銅吼坐斷乾坤建太平突髻蓬頭敢追後

贈東林球侍者

天球卞璧爲世瑞遇貴則賤賤則貴形山之寶迥不同赫然誰敢當頭覩
我笑廬山十八賢蓮漏聲中開眼睡獨有淵明解見機瞥爾攢眉便歸去
上人親自山中來老我不必頻頻舉鉄牛耕破舌頭皮有口莫吸西江水

寄宗聖西堂

宿有扶宗志辛勤四十年句清堪供佛業白可雙天燕坐畦衣薄經行雪
頂間長庚光欲滅內院一燈傳

聞蟬

侵曉堆檐坐蟬聲出樹林分明宣祖意何處有凡心歷歷消清夢悠悠助
獨吟時人皆共聽誰謂少知音

謝靜中過訪

掃跡千巖裏柴門久不開正逢新雨足忽見故人來燒笋供茶碗烹薇薦
粥盃欲留君共住分石坐堆堆

題珪上人山舍

紅葉填松徑清溪繞竹林西風雙鬢老落日半窗陰壞衲偏宜厚幽居不

厭深竺仙遺偈在展卷且高吟

次韻題高齋

高齋寂寂俯清池
瓦甍香浮十二時
天曉定回松下石
蘚痕青上布伽黎
冰蘖禪師存翁則公

惟則字天真吳興費氏子嗣洪于匡廬無極源公源老病歸侍佑聖寺誓不涉世洪武初徵高僧白庵金公首荐師以足疾辭癸酉仲春忽告衆曰吾去矣侍者請偈鴈聲曰平常說底不是耶卽瞑目逝漱有胡僧秋碧善傳神画師像累百幅日本夷入貢見之羅拜曰此吾國祖師相安得在此競以金購之而去僧史及刹志載師行履如此師有七幸序云洪武二十年壬申八月二十九日晚朝上命凡天下僧人但清理冊文上有名籍者不問度牒已給未給皆要他俗家餘丁一人充軍鄙時在京欽聞上命進偈七章其七曰天街密雨卻煩囂百稼臻成春氣饒乞甯沙彌踈戒檢袈裟道在祝神堯或譏之曰無事請死而已上覽偈罷軍事不果後題洪武乙亥孟秋七月二十日述于武林松盛坊之客軒按師乙亥歲在武林作此序則諸書記癸酉入滅者誤也海門和尚祭文稱前左善世上天

竺白雲堂上存翁住世七十八年則諸書云以足疾不赴召終老佑聖者亦誤也進傷佑僧當在官左衛之日此法門一大事可以補國史之闕者故詳志之師有鷄臬吟頌古百二十偈自謂人所未發今宗門傳之

題東坡化龍竹

渭川千畝未爲奇獨羨坡仙掃一枝後夜風雷頭角露看他行雨過天池
竹枝詞

烟消日出江水流江風搖蕩木蘭舟故園望斷不得去楊柳兼葭又早秋
榆城聽角

十年游子在天涯一夜秋風又憶家恨殺葉榆城上角曉來吹入小梅花
山居四景二首

林軒飛翠隔黃塵瑤艸吹香別是春一卷楞伽消白晝從教啼鳥喚游人
茶罷焚香獨坐時金蓮水滴漏聲遲夜深欲睡問童子月上梅花第幾枝

覽吳興韓履祥一首

懷惟則大師

每憶幽尋到上方銅爐石鼎漫焚香天花滿座雨晴雪空翠撲衣生晝涼

龍化老翁求法語鶴如童子守禪房別來江漢雙回首塵劫茫茫道路長

竺隱道公

弘道宇存翁號竺隱桐鄉密印寺僧族姓沈吳江人洪武丙辰住持杭州上天竺注釋楞伽經後與楚石同被召入京爲僧錄司左善世辛未告老賜驛馳歸明年秋跣趺而逝世壽七十八藏于天竺雙楡峰雲隱塔獨庵少師撰碑銘

和御製山居詩

鍾山雲氣近蓬萊樓閣重重錦綉堆兜率宮從天上降樓羅花向月中開道林再世承恩澤園悟當關震法雷祖道一絲懸九鼎提持全仗出群材大覺談玄徹九重蔚然扶起少林宗龍光照映神奎閣象教尊崇玉几峰自昔艸堂留聖蹟卽今靈谷縱高踪御題詩筆昭雲漢更覺慈山雨露濃傳得凌霄無盡燈蘭膏烈焰愈輝騰箋經未遜洪覺範輔教直追嵩仲靈閉戶遍探三藏教入朝分錄兩街僧皇恩浩蕩深如海聲價奚論十倍增

天竺雜詠二首

南澗飛淙雜雨鳴顛風老樹秋聲庭前攪碎芭蕉葉添得書窗兩眼明

老樹枯藤蔓艸纏蕭蕭獨立傲風烟澗池飛下如拳石知有山靈護冷泉

華嚴法師學公

古庭名善學生吳郡馬氏年十七受華嚴于光福林屋精公盡通法界觀門并玄文要旨凡賢首一家疏鈔無不深入元末宜政院請師開法崑山荐福當路者欲令出門下賦曹溪水四章拒之洪武三年居光福光福爲銅像觀音道場方思有所建置寺僧輪賦違期當徙贛州有司欲與辨析師謂宿業已定毅然請行抵池陽馬當山示疾而化宋學士撰塔銘謂師之學可以融貫台衡賢二家而惜其不及見云

山房獨坐

山房無一事西日送殘曛飯取胡麻煮香將栢子焚艸坡聞牧笛松塲響樵斤怪底廳昏黑簷前一片雲

舟泊

江靜雨初收湖光滑似油岸如隨棹轉山欲起波流牽興多浮苕忘機足野鷗夜聞漁父笛吹破一天秋

道人山居

摘屋山居物外禪繞窗白石與清泉年來識破安心法神被蒙頭自在眠

樸隱禪師澣公

原靜字天鏡別號樸隱會稽倪氏子大雅集云從濟天岸學止觀自謂從上諸老多由教入禪登華頂參無見觀如玉肌見石室瑛參原叟和尚于不動軒命居記室至正丙申出世邑之長慶洪武五年召與廣薦法會賜食內庭從容問道已而辭歸九年住靈隱入院甫浹月坐莊田事滴戍陝西主者許其辨訴笑曰此定業也行至寶應以十一年正月坐化于寧國禪寺詳在宋金華塔銘中

重九

舊日重陽節唯尋麴米春忽經時到眼但覺老隨人白髮雖多難黃華不厭貧登高本無意踪跡媿紅塵故舊俱淪喪人情轉寂寥馳驅逢九日牢落是今朝把菊難爲醉囊裏興自消江鄉賦無賴風雨暗蕭蕭

贈盡師朱叔重

吾邦會稽山水府萬壑千岩如米聚平生知絕顧虎頭道中應接亦良苦

至今清響若耶溪
童子山僧惟杜甫
近代乃有高尚書
時過雲門吐奇語
參秧天氣小籃輿
移將長松在綠楸
高標遠韻不復見
寂寞溪山但風雨
朱君叔重吳下來
示我小國雲一縷
乾坤秀氣皆可得
李郭董米開門戶
林梢出沒烟霧中
山骨隱顯帶洲渚
江南生意半天真
平淡此爲愈
君誠破筆書萬卷
魏國風流敢相許
如何叔重心好古
布襪青鞋獨艱阻
明年須償司馬約
綠水青篲宿天姥
老我尚堪歌勝游
藝苑詞林期一補

龍門元璞琦公

良琦字元璞吳郡人自幼讀書禮石室瑛爲師學禪白雲山中性操溫雅
淡然無塵鉄厓云琦公既究禪理兼通儒學能詩其餘技耳住天平山之
龍門及鵝李興聖寺

夏日招張師聖文學二首

初夏稍清曠山茨景爾新
桐花落井幹鳥語喜歸人
苔石當坐臥松枝堪挂巾
高士一來此忘言道愈真
雲深岩寺古復此涼雨積
樹密聽猿啼苔深斷人跡
觀理閒慮遣懷君苦情役觴
酒對幽花徘徊候山屐

茗溪客館寄沈自成處士

秋齋人罕至，落葉沒行屨。旅宿將就途，懷抱不可語。偶有山中酒，而無池上侶。遲子一來過，釣簾對疎雨。

春夜宿海雲寺

喧靜同一致，大隱卽山居。題知道者流，所止恒晏如。煌煌舊吳會，鬱鬱高入虛。山閣花霧暝，池館綠陰初。復此良夜月，禪影流碧疎。素友懷清會，境寂鐘磬餘。離坐忘言笑，超然悟玄虛。不臥如有媿，塵路何馳驅。

戲題陰涼室堦前芭蕉

新種芭蕉繞石房，清陰早見落書牀。根霜零露北山潤，葉帶濕雲南澗涼。得地初依蒼石瘦，抽心欲並綠筠長。雨聲夜響巖生瀑，晴碧朝浮海日光。樛櫟自慚全壽命，梗楠合媿託岩廊。觀身政憶維摩語，艸字寧追懷素狂。白晝棲遲吾計拙，青霄偃仰汝身強。歲寒要使交期在，莫畏空山有雪霜。

莫春雍熙寺訪沈自誠不遇

暇日遠相問，古寺幽且深。青青餘華落，雙樹一鶯吟。爐存散微篆，茗熟獨成斟。明當持山酒，對子來居心。

題趙仲穆看雲圖

舊游清茗上愛看并峰雲稍將春雨度始見遠林分起滅悟真理逍遙遺世紛於焉自怡悅永懷陶隱君

虎溪三笑圖

境緣心妄起心悟境自忘三老同一笑物我兩茫茫月照清溪水風散白蓮香無端一笑已千古笑何長

題倪雲林爲韓復陽寫空山芝秀圖

每憶雲林子隱居清且閒寒雲采芝秀倚杖看秋山微雪松陰暝青苔石上斑韓康偏有意時復到柴關

誠道原溪山晚霽圖

道原隱于芝阜

微雨過溪上青山艸閣前牛羊知返逕童稚喜歸船烟樹村村易森泉處處田家圖憶芝阜頭白尚安眠

題松溪漁隱圖

我昔赴江上釣船時往還長歌送落日濯足對青山魚游春艸裏鳥去白雲間此意就能解忘言心自閒

魚虎子圖

翠羽盡殊絕，窺魚秋水深。忽來知險意，靜立見機心。沙白霜初落，溪寒日易陰。何當隨啄木，除蠹向高林。

婁江西門夜泊明日將歸省有懷吳水西

良夜維舟次，題詩最憶君。微鐘花外度，清笛月中聞。燈報庭闈喜，杯從故舊分。西城駐馬日，還與入山雲。

春日有懷鄧九成

春雨晝連夕，閒愁每欲蒼。鶯聲在官柳，艸色映書牀。每念庭闈遠，仍憐簡帙荒。却思摩詰室，清坐只焚香。

招復見心書記

見心原章人時留山中麓公庵

坐對芭蕉樹，題詩憶豫章。高秋居石室，落日臥藤牀。衣薄雲霞濕，心清草木涼。亮公名不忝，遠老約難忘。栢子香烟細，蓮花漏刻長。了知無罪懺，底爲有身忙。蒼色青當檻，桐陰綠覆岡。能來一談笑，共待月流光。

春日寄東趙仲光世白誠二友

二月湖州訪客心，尋山粉堞帶春陰。溪溪漁屋桃花靜，面面歌樓柳色深。

西府門開鷗自到東林酒熟客誰斟風流二妙如相問爲道清吟瘦不禁
二妙詩興興起步策

冬日過練川黃東溪隱居

歲晚來尋黃處士小艇晚入東溪雪水生柳下鵲鴨喜日出沙頭雁鴈分
杓北子青浮茗碗枇杷花氣雜爐薰却憐清會難頻得明日南江又憶君
冬日羅居仁見過東溪寓所

夏夜山中

暉暉寒日照霜筠晨起開門見故人雙鬢已斑粗覺老一官初滿尚然貧
船中書籍教兒讀篋裏詩篇得意新且盡茅堂一樽酒梅花柳眼不勝春
山空素月出天淨涼雨住群蟬鳴已息靈籟稍微度篴竹咽遶水歸燈暝
深樹念茲樓榭者何由了玄悟

題倪雲林小幅山水

雲林隱者絕風流嘗到瀾西山寺游下馬脫巾青竹裏題詩寫野泉頭
房山墨法誰能得謝朓襟懷自可俾便擬梁溪一相覓桃花春水隔芳洲
夜坐

雨入簾竹響風吹枯桑疾微燈照孤
坐餘香闕清室念歛塵慮泯神明定
光幽同體不同知茲理一何密

題柯丹丘梅竹

丹丘歸老江南日每話奎章傑直時
一夜春寒愁漠漠白雲蒼雪共襟期

送慧上人海上歸昆山就游吳門西山

袖卷金經便作歸海光暗日蕩清輝
鯨魚載足如船穩龍女將花出浪飛
玉阜寺門羅樹綠琴臺雲崦橘林瑜
故人相見應相問爲道淮山獨掩扉

秋日歸虎丘懷銛仲剛書記

虎丘共作五年留幾度相攜上小舟
楊柳春橋牛塘寺芙蓉夜月百花洲
長林放鶴閒支遁一室編蒲老睦州
此日獨歸懷往事空山艸樹不勝秋
次韻答見心和尚

龍門茅屋澗之隈亂後山花只自開
數片白雲同散去十年金錫不歸來
月明老鶴啼春澗日落饑烏集古臺
歲晚相期仍結社西湖賸覓白蓮栽

見一愚賢公

子賢字一愚天台人禪定之外肆志作詩最爲銛所賞

遊葉明齋如京

傷君遠行邁白日何淒其微陽漏林光稍稍黯人衣天高鳥垂翼風緊花
落枝荒臺俯流水萬里長相思

海舟慈禪師

海舟名普慈吳郡海虞錢氏子世業儒出家破山寺往參鄧尉山萬峰和
尚付以法偈遂結廬太尉西洞庭山三十年不過湖聞虛白岳公在安溪
東明說法親承萬峰祖印遂往叩旬日大悟遂居東明演法爲萬峰法嗣
景泰元年示寂全身塔在東明左側有頌古詩行世

頌古詩六首

淚滿羅衣漣漣卮一聲歌斷怨傷離如今雨地心中事直是瞿曇也不知
風波不動影沉沉翠色全微碧色深應是水僊梳洗處至今青黛鏡中心
每逢船子慣垂綸恒泊溪邊荻映身人問不言頭自點恐驚魚去不應人
拋卻長竿捲卻綵手攜簑笠獻新詩果然月照池如鏡不是漁人下釣時
雨霽長空蕩滌清遠山初出未知名夜來江上如釣月時有驚魚擲浪聲
掘溝引水澆蔬圃挿竹爲籬護藥苗楊柳如絲風易亂梨花似雪日難消

香嚴和尚古溪澄公

覺澄號古溪山後蔚羅人也族姓張氏年十歲爲牧牛之童十四從雲中天暉和尚出家閱藏五載從默庵和尚坐禪大興隆寺景泰三年宗伯胡濙命住南陽香嚴寺自惟大事未明不一年而退登太岡山參月溪和尚往見西蜀楚山和尚于投子山機緣相投朝夕入室山謂海雲曰香嚴只是聰明見解道眼未明在山往安慶看頌古聯珠集見趙州凌行婆機緣往返豁然有省因思本參無字話頭如何不徹奮然一撥虛空迸碎身與僧堂泯然不見再拜無字話頭火中見雪了然無疑越五日山自安慶回謂海雲曰香嚴大事今番徹也明日正旦召大衆曰老漢離西川下江南張漫天大網爲求作者今有其人且道是誰良久乃曰香嚴是也公避席下手而讓曰覺澄不會佛法山曰我正要不會佛法的遂以衣拂法卷付之辭山七載天順五年住金陵高座寺一坐此山竟不他之示寂于成化初胡濙序其雨華集曰公性天清朗心地圓融續臨濟二十四世燈爲楚山付法正傳其集將與蒲庵全室逃虛嫺美于後世師嘗自道其文曰吾將藉此以明佛知見入佛之門有二由文字而顯曰教離文字而悟曰禪

泥文字則失之滯略文字則失之誕去滯與誕其必由故而禪乎其徒寂
庵湛公亦能詩刻其遺集

林泉懽性歌爲東暉上人作

伽黎分付參玄人水邊林下頤天真須就松間結茅屋竟無閒事勞精神
碧艸蒼苔淨如洗却教何處飛紅塵占得白雲萬餘畝山猿野鳥來相親
林泉行長錢獨荷尋黃精雲路迢迢過橋去琅然耳畔喧溪聲林泉住清
幽正是安身處人皆熱惱我清涼心空環繞旃檀樹林泉坐忽見光陰彈
指過道人樂道絕思惟對景不覺蒲團破林泉臥夢裏惺惺能幾箇滿天
霜雪聞晨鐘固地一聲枕子墮威儀寂靜誰能收任他法性常周流極盡
玄微是何物揭開宇宙舒雙眸明月堂前度九夏太陽門下經三秋妙奪
機人口中食田夫手內驅耕牛臨濟兒孫要如此若也顛預難掛齒一喝
常機實主分迴脫羅籠無定止萬象之中獨露身撥轉山河歸自己虛舟
縱浪任悠悠夜深棹入蘆花裏碧眼胡僧沒處尋體露堂堂元是你大千
沙界掌中觀何啻林泉而已矣

東山願命歌

金陵有箇奇男子白手成家立綱紀不逢良友喚回頭幾乎埋沒紅塵裏
歎浮生只如此參訪明師求直指見說傳燈錄上人志氣衝天奮然起念
彌陀如自己掇得寒氷化爲水任他非佛與非心務要禪河窮到底豈亦
然夜亦然鉄牛不動痛加鞭頭角呬囉便作獅子吼驚得海底金烏飛上
天求印可叩機緣幾回親到東山前三繞繩牀呈見解振威一喝與君傳
稱大隱可居廬而今堪作火中蓮慣向北斗星中騎木馬却來東山水上
撐鉄船撒手懸崖知落處千重愁網打不住碧眼胡僧沒奈何分付袈裟
爲信具趙州禪真罕遇等肯庭前尋栢樹截斷南山老葛藤無孔鉄鎚重
下錮大放開還捏聚綠水青山皆妙趣脚根
古溪雪谷詩序云金陵居士劉智莊號祖處早年孝稱聞正堅持五戒
頭關明月不隨流水去
祖處一樓樓禪三載策動向上工夫接透錫山鉄壁心花頓發慧眼開
明受印可于東山海舟大和尚續高峯妙禪師七世之燈臨濟下二十
四代之孫也師示寂時三呼祖庭三應機語相投遂以大衣座拂付之
解法之後大書雪谷二字高扁所居將表二祖求法立雪齊腰不忘本也

雪月溪山歌送天然道首座歸蜀

蜀路連雲知幾許策勤斯道耐寒暑撥開雲霧覩青天仍與孤雲爲伴侶
布慈雲施法雨竿木隨身能作主德雲不在妙高峰此去逢人休錯舉天
風清江月明月巢野鶴夢初醒門庭施設談玄者猶較石霜半月程常獨
步常馱行三更月下迎空生回首廣寒何處是桂輪皎皎臨滄瀛曹溪水
通一滴容納百川流不息黃金靈骨今猶在白浪滔天無處覓覩面提當
機疾革亭船子拋篙直截斷衆流達本源瞿唐三峽連天碧肩鉞斧上青
山峭壁巔崖不可攀欲識洞山分五位須知兜率設三關人亦閑境亦閑
蕭條茆屋兩三間五湖雲月誰消得萬里溪山獨往還

寄冲微堂二首

平生江北與江南矯首相望歲已三近觀百花開爛漫遙聞千樹吼毗嵐
白雲縹緲連青嶂明月徘徊印碧潭一棹扁舟如會面燃燈清話薜蘿龕
趙州在北睦州南千里同風意再三揚子渡頭凝晚色蔣王山上疊春嵐
夜深漁火明沙畝天淨絲綸釣月潭見說年來資福好何如林下坐松龕

送玉峰琳長老得戒還清泉四首

來游江國早相招一到荒山正寂寥得戒已聞天竺雨洗心曾見浙江潮

雲開曉日回蘭棹，鶯啭春風上柳條。欲問清泉何處是，毗盧高閣倚層霄。
發足超方自逸群，登壇今得戒香熏。衲衣暫掛春天樹，金鉢遙穿日暮雲。
杳杳三山江上涌，滔滔二水寺前分。清泉到日心無事，參透禪機了見聞。
越國吳門路幾重，登高涉險訪靈蹤。未游東海觀龍井，不到西天遇鶴峰。
飛錫去回臨水寺，雨花來赴上堂鐘。相逢欲問杭州景，十里荷花九里松。
名標戒首已登壇，異跡靈踪取次看。鸞嶺花開紅菡萏，錢塘潮擁碧波瀾。
烟籠春樹宮前浦，風送扁舟上急灘。遙想舊遊歸舊隱，梵王樓閣起雲端。

山水閑游爲寂庵賦

欲泛滄波下碧層，閑中跋涉有誰能。五湖烟浪孤舟月，萬里雲山一箇僧。
托鉢頻逢春店食，和衣幾宿夜窗燈。舊房門外松將偃，海上歸來話葛藤。

題画牛

林下逍遙飽則眠，何人能似爾安然。因思昔日陶弘景，金作龍頭不易牽。

淨土詩

彼無惡道絕聞名，群轍都爲念佛聲。細溜通渠調錦瑟，微風吹樹奏瑤笙。
鵲從翡翠簾前下，人在琉璃地上行。往往悠然心不亂，琅琅天樂自來迎。

朽庵林公

宗林字太章餘姚宋氏子年十三出家受具棲隱于杭之安隱淨慈間嘉靖初游都下屏跡香山開萬壽戒壇詔選宗師爲十座首說演昆尼多所利益世宗皇帝奉玄上書規勸請弘護大法上不以爲忤臨終有辭三寶辭世詩題曰浮生夢幻篇及香山夢寐集傳於世武廟初年朝士有以郎官致仕者朽庵取調明歸去來分辭爲題賦樂歸田園十詠送別字遊瘦勁前有圖似戴進筆法崇禎初余被放南還燕中故人遺此冊贈別余有感而和之今年以詩冊贈道開局公藏幸於虎丘精舍

觀魚

魚在水中生人在水中死貪餌魚上釣失脚人下水人死魚腹肥魚死人
口美吁嗟魚與人惡乎不知此

過謝亞卿墓

司空高塚幾春秋廢廬今來壠上游黃土自埋修月斧滄江誰補濟川舟
松風入夜哀偏切露草侵晨淚尚流荒道荒碑終泯滅遺功應有史官收
副名詳以匠人官心可意故云詩有修月濟川之句最爲恰當

過興濟伯楊公墓

艸青苔碧野花紅
曠世人才墜此中
秋雨敗果鳴澗水
夕陽高木颭悲風
禽如擁護巢窠鼠
若浸凌穴漸空
借問子孫今幾葉
昔年勲伐有誰同

山居用韻荅鳳川朱先生

秋冷啼蛩入講牀
夜深饑鼠攪眠牀
山厨食盡松花餅
瓦鼎烟消柏子香
半壁綠苔乘宿雨
滿墻紅葉醉新霜
幽居漸喜三冬近
竹几蒲團雪夜長

春日二首

掃地心已淨
讀書門懶開
碧桃花落盡
猶未覺春來
雨餘芳艸香
風起游絲動
幽禽四五聲
說破春眠夢

題鍾欽禮所画雲山江水隱者圖

隱隱樓臺倚峭阿
酒船空處罷笙歌
江頭網密魚鰕少
山腹雲深虎兕多
其惟考槃通世路
已知平地息風波
道人家住中峰上
時有茶烟出薜蘿

花椒

欣欣笑口向西風
噴出明珠顆顆同
采處倒含秋露白
晒時嬌映夕陽紅
調羹美著騷經上
塗壁香凝淡殿中
此味應加此味真
教將桂獨成功

補瓢二首

足迹尋常懶過橋，樓今日又明朝。詩情冷淡霜中菊，服色離披雪後蕉。
貧里有誰分米送，禁山無處覓柴燒。老來自笑貪心在，還對清泉補破瓢。
一席茅庵百衲身，山高無日照窗塵。雪松挺翠能禁冷，霜葉堆紅豈足春。
瓦礫汲泉便北井，木盤分米贈西隣。補瓢留得青蚨在，自笑癡心也濟貧。

樂靖田園十詠

卷五首

歸去來兮至覺今是而昨非

宦海漂流久見幾，故園荒廢正思歸。往迷來悟心方樂，投老尋閒願不違。
新別朝堂無悵恨，舊栽松菊有光輝。池魚羈鳥還淵藪，童子何勞講是非。
問征夫以前路，恨故光之熹微。

欲知歸去好，前程每對征夫問。一聲茅屋幾家門，尚掩茫茫天地未分明。
園日涉以成趣，門雖設而嘗關。

梨栗詩書貴子孫，菊松瓜菜樂乾坤。養高不受重來詔，誰敢閒敲處士門。
策扶老以流憩，至撫孤松而盤桓。

扶老手攜杖，觀幽眼見山。埽林飛鳥倦出岫，斷雲開松下尋詩去溪邊載。

酒還昔年車馬路今日沒相關

農人告余以春及至曷不委心任去留

聞得農夫說春回畝畝閒并車無枉跡州木有榮顏尋壑穿雲去徑丘踏月還百年寧幾日能不放心閒

雪梅和尚

雪梅吳人也嘉靖中游金陵踪跡奇異不拘戒律日飲茗二三十碗間進酒肉寓報恩寺與叢桂庵十餘年每見法師據高座講經便笑曰亂說亂說問出一語辨駁聞者汗下工詩文自序其詩以寒山拾得自況專修淨土講四書周易皆有新理論學好貶駁新建後往蘇州竹堂寺住僧臘八十餘忽大言曰某月某日某時老僧示寂矣衆僧爲釀銀治龕將餘美悉付酒家至期僧俗雲集雪梅詰之曰你們布施不過三分五分銀子要算功德便來逼迫老僧性命尚蚤尚蚤衆皆廢然散去越數日端坐龕中令小行者呼曰老雪梅老雪梅今日不歸何日歸雪梅自應曰今日歸矣少頃鼻柱下垂而化

秋興

雨過池塘暑氣消
山岡處處亂鳴蜩
侵衣樹色搖空翠
遶戶江聲落晚潮
自笑疎慵忘禮樂
祇將踪跡混漁樵
降心惟有詩魔在
時復臨風寫綠蕉

贈住庵僧

垂簾清晝篆烟霞
滿地蒼苔襯落花
習寂不須天送供
圓閒嬾爲客煎茶
寒爐煨芋留殘火
怪衲連雲綴斷麻
兀坐不知天早晚
月移松影上窗紗

山居詩

道人卓錫愛名山
四面巉巖指顧閒
風牖半開松子落
石牀定起薜痕斑
鳴禽花塲春常在
隔水柴扉夜不關
惟有白雲知此意
庵前飛去又飛還

玉芝和尚聚公

法聚號玉芝
姓富氏嘉興人
年十四出家
海鹽資聖寺
好爲韻語
忽自謂曰
出家兒當爲生死嗜
此何益遂誓志參學
多所咨扣
觀陽明傳習錄謂
與禪理不殊
乃以偈趨扣明
以偈答之一日
大衆中明出袖中鎖匙問曰
見麼曰見還納袖中
復問見麼曰見明曰
恐汝未徹在西還結廬于南海
漱湖之悟空山中
聞金陵碧峰夢居之名
荷笠往參問董兩湖頌碧峰寺
裏有如來莫便是和尚否
居云上座還見麼曰縱見得也是金屑落眼居

曰這死漢死去多少時汝來爲他乞命轉身回方又一日問如何不落入
圈續居打一掌云是落也是不落也公卽禮拜覺從前所蘊泮然水釋居
入滅徙居武康天池與王龍溪心齋徐天池諸公發明心地會通儒釋之
旨嘉靖癸亥五月示寂壽七十有二有玉芝內外集羅近溪陸平泉爲序
新安王寅選其詩二百首

呈夢居

大地何人不夢居夢中休問夢何如煮茶消得閒風月不向蒲團讀梵書

游西湖和錢學士韻

大堤迴接鳳山遙金勒東風嘶馬驕芳艸不知埋帝舄柳枝猶似學宮腰
天空水月三千頃老鶯花十二橋聞說樓船醉年少平章獨免紫宸朝

田汝成西湖志餘曰錢學士唱此韻和者數十首未有如玉芝之隱而切者

越王臺

越王臺上客登臨范蠡湖頭艸正新敵國荒涼吳鹿豕故宮行在宋君臣
杖藜遠塞風烟暮花木深城雨露春往事不須悲落日高歌獨立恐傷神

吳山秋望呈張侍御

子胥廟前江日曛越王城頭雲有無
故宮臺榭幾黃葉南度寢園今綠蕪
長笛關山瞻北固清舫魚鳥傍西湖
蕭蕭落木蒼郊外幾處寒烟破屋孤
游靈谷寺

石磴迢遙入翠微倚空臺閣映斜暉
長廊春寂花初落萬木雲深鳥自歸
靈谷慈風生梵境寢園佳氣護朱扉
未應誌老無長舌古塔鈴音徹上機
江村

殘陽在木末遠鳥下孤嶼漁舟歸未歸
吹笛芙蓉渚

立玉亭

山當巉斷孤亭立竹樹迴環翠萬層
倒看夕陽深澗底不知雲外有歸僧
名僧三十五人

大章墳公

龔頊字大章天台人友人褚守行坐事死其子遠徙公不遠數千里輦輪
守行所寄金帛以遺其子或云吳郡人

次韻答慈元恕

菲掌位在清江曲瀟灑渾無俗客過流水自懸春藥碓落花間度煮雲窩
不競玄石三年酒只賦梁鴻五噫歌退食歸來塵事少舊游回首隔風波

楚材杞公

似杞字楚材鄱陽人

題米元暉山水小景贈陳原貞別

江頭雨足春水生江上青山烟樹暮扁舟明發去如飛目斷征帆入蒼霧
無方

登多景樓

大山千丈青嵒長江萬古鋪瑤瑤銀河倒影落天塹海門日日來春潮
偉哉孫劉輩壯志摩雲霄只今英雄遺艸木秋霜蕭殺寒不凋朱闌瓦上
橫斗杓烟縹直下明金焦黃鶴山空杜鵑老鶯鶯清冷芙蓉嬌人間笑傲
輪漁樵猶將興廢論前朝萬歲嶺千秋橋月明尚有人吹簫月明尚有人
吹簫

復初恢公 舛堂集作復元

自恢字復初豫章人元末住海鹽法喜寺洪武初移住廬山

送海上人還荆門

偏禮南朝古佛宮，荆岑春去百花濃。
江通楚蜀波濤壯，山入湖湘紫翠重。
主杖穿雲隨白鹿，軍持分水浴蒼龍。
欲知後夜相思夢，月落猿啼滿竺峰。

題唐子華画山水

江雲如雪樹高低，竹裏人家傍水西。
滿地松陰春雨過，好山青似若耶溪。

偶成

金沙溪上柳條齊，白鳥群飛落照低。
十里荷花紅勝錦，好山都在画橋西。

淨土

游仙詞卷題云至正庚子十二月磧里釋淨圭見朱存理鉄網珊瑚

和張貞居游仙詩二首

縹緲仙山五色雲，玉真飛佩度氤氲。
不應名字題仙籍，猶著唐蒙舊賜裙。
一會仙凡兩地分，雙雙繚脫賜羊君。
如何窈窕巫山女，只作襄王夢裏雲。

懷海

通州人見聲文會選

贈北礪和尚

橘州骨冷不容呼，正始遺音掃地無。
一代文章歸北礪，十年梵語落西湖。

人皆去獻遼東豕我獨來看屋上烏春盡閉門無恙否楊花飛作雪糝糊

淨慧

字古明松江人正醫師處承興甚得其法

寄梅雪朱隱居

何處風篁好漁莊路匪遙水先清暑簾花影赤闌橋座客分詩卷隣姬宛
酒瓢離懷無可贈清夢過蘭苕

題天馬圖

八尺飛龍十二閑飄飄來自崑崙山曾陪八駿崑崙頂肯逐群雄艸莽間
落日倒行悲峻阪西風苦戰憶重關拂郎可是無新貢天步于今政險艱
志瓊字蘊中

深秀亭暮春述懷

空庭雨濕聚華茵回首東風憶遠人玉砌香消行跡斷雕闌吟徹別愁新
樓臺半是前朝景桃李都承舊日春歸燕多情還恋主嘶泥雙拂面梁塵
仁淑

仁淑字象元天台人住持徑山興聖萬壽禪寺見吳興沈士仰皇明詩選
關山月

白楊風蕭蕭胡笳樓上發壯士不知還羞對關山月去年天山歸皎皎照
白骨今年交河戍明明荆華髮交河水東流征戰無時歇斗酒皆楚歌歌
罷淚成血

觀白

見周玄初在林集

周玄初禱雨詩

仙姿寒湛玉壺冰
斬叱群魔走百靈
萬里風雲生赤日
九天雷電下青冥
瑤壇雀唳秋如水
蕙帳人幽月滿庭
安得相從過衡岳
飛行同躡鳳凰翎
正淳字古心閬中人洪武中詩僧

評古

青如蚨血染顏垣
漢寢唐陵幾斷魂
莫笑貧家春寂寞
冥飢隨積雨上青門
法智吳僧也見續三體詩

閨門晚歸和韻

郭外罷持鉢
晚涼歸路幽
鼓鐘烟際寺
燈火水邊樓
藜杖苔痕濕
荷衣月影浮
禪翁歌白雪
才薄愧難酬

泊安慶城

浮嶺高出暮雲低，雉堞連陰碧樹齊。
菲屋人家兵火後，樓船習鼓夕陽西。
大江千里水東去，明月一天烏夜啼。
欲辭忠魂荒塚外，白楊秋色轉淒迷。

文謙

見續三體詩

文謙閬縣人，十一歲出家，遊吳楚，歷金陵，住台之鴻福寺。振陽宗致洪武初，召對稱旨，久之，語其徒曰：「吾將去矣。」援筆書偈云：「有世可辭，是衆生見無世可辭，是如來見。」踏倒須彌，廬虛空，無背面，遂端坐而化。

次韻秋懷

命晉昔聞千矢賜，拜韓今見一軍驚。
地連赤縣城中阻，水入黃河總未清。
幾莖素髮殊方病，半幅鄉書故國情。
洛下傷時同賈誼，成都貢卜似君平。

曉庵法師啟

善啟字東白，蘇之長洲人，能言通佛典，爲浮屠，屏迹龍山，博習外典，見知于獨庵南洲二公，而典記洽公者最久。應召纂修大典，預校大藏經，與瞿宗吉賦牡丹詩，凡韻往復幾百首。永樂己丑，偕壁庵完公如珪瑾公，指南車，公自京還，吳有江行倡和詩一卷。正統八年，示叙錢文通溥銘其塔。

江行倡和詩

遇漢華月升完孤墅愼烟合桅檣影倒垂
柔榜聲互答宵霽謾食程車
春寒猶戀衲鳴空雁幾行
繞樹烏三匝郵馳遞去鈴
完漁挈沽來榼停
榜次群艘聽歌吳楚雜

十五日桃紅復舍宿雨柳綠更帶朝烟

蓬底遠山疊疊船頭新水滔滔烟暖已舒岸柳春寒未放溪桃

敬修桃字

浮世空嗟擾擾逝川莫駐滔滔且從遠老栽藕肯學劉郎種桃

東白次韻

獨樹村邊落照短蓬江上回風沙艸微合烟碧溪花半帶雨紅

如圭紅字

吟處有山有水歸程無雨無風何須竹葉浮綠自喜燈花吐紅

敬修次韻

夜泊歌邀明月曉行帆送東風我我山殿街碧隱隱驛樓露紅

東白

客路柳條拂露官河荇帶牽風漁艇橫浮萍綠酒旗斜映桃紅

指南

風岸青搖弱蔓露汀綠蕩芳條賦詩已盈一篋客路纔過數朝

指南

人家竹裏樹裏客路山邊水邊夜榜桅頭掛月晨炊船尾生烟

敬修

鍾動錫山驛外帆收澣墅橋邊兩岸曉風殘月幾家古木寒烟

如圭

竺庵同

大同字竺庵姓張氏會稽人禮顯宗講王爲師住四明延壽寺永樂初於

南北都門兩膺 帝命纂修藏典

寄演福和尚

雨紅烟綠暮春時獨客終朝有所思
白水漾沙金錯落青山浮几玉參差
一簾花妥鶯啼緩千里書成雀去遲
後夜更看湖上月滿懷愁緒散如絲

雪江秀公

明秀字雪江弘正間詩僧琦楚石九世孫也與孫太白鄭少谷方堂陵沈
石田諸人善族出海鹽王氏祝髮天寧寺晚習定於錢塘勝果山又號石
門子老復歸化邑之海門有雪江集三卷

感事

啄鳥搏雞雛翼翼雞母護孤兒悲憫獨顏色失其枯黑風雨益暗同過前
溪渡茫茫春水深骨肉不相顧

懷太白山人

堦前黃葉堆欲滿湖上白雲閒自來千里秋風悲斷雁兩峰寒日憶登臺
未能明月同移棹想見黃花獨舉杯吟遍長松千萬樹南屏落日寺門開

山中懷蘿石翁

老懷常耿耿歲暮一行書寒日孤城短山堂獨夜虛病多憂到骨吟苦淚盈裾祇恐梅花笑相逢齒髮疎

曉長老挽詞

西池花謝見蓮成短世逢人問死生白髮臥雲真是病青山埋骨始完名雨燈夜着虛堂影秋磬寒隨落木聲欲爲吾師著禪行石章兼勒嗜茶銘

碧空先輩挽詩

獨聽鐘聲坐夜闌袈裟何處問豐干浮雲忽滅心燈在一樹梅花月影寒

漫興

落日千峰拄杖前古苔長擬隱居篇賴濱定有箕山月廬岳時看瀑布泉小關梅花迎老眼殘書白髮臥高天聖朝有道憂今少藥餌烟霞且歲年

寄九杞先生

兩司三年報已成杞泉涼月照人清九華芝艸高踪在千里冥鴻病眼明野墅柴門香稻熟漁村江樹晚山晴憑誰喚起王摩詰画汝綸巾杜曲行

許泉亭秋日

手把傳燈錄西岩臥病翁柴關上野色石壁下秋風歲月飛鴻外江山落

葉中菊花知九日青蓋更叢叢

絕句

人坐秋樹下月在秋樹上苦吟落葉空瘦影自相向

得白泉徐侯書

攜李城西從拂袖歸帆直過釣臺西却憐別後無消息忽得書來問杖藜
江岸鷗鵝悲暮雨柴門燕子惜春泥海邊猶有甘棠樹幾向花陰憶貴溪

泛舟至桐口

路轉青村合山連赤岸斜夕陽飛燕子茆屋落桐花晚墅聞孤笛輕舟閣
淺沙前峰望不遠林暝欲棲鴉

題墨山扇圖

遠嶼孤烟起林亭落日虛青山半江影竹裏照殘書

賓山駐錫雲岩

滿地雲山皆幻住此心若了始爲僧
脚前徑身須扶杖霧雨堂昏要續燈
警露鶴鳴穿壁月弄花猿引掛岩藤
閉門細斲巖前鏡像年芳未可憑

宿嶧雲堂

寺前昨日雨水滿放生池獨往忽乘興幽尋豈有期夜深月未出秋近竹
先知重把茶盃坐雲山話所思

讀謝翱傳

南奔北走家何在七里灘前許劍來匡海夜寒惟月上冬青樹老又花開
側身天地聊瞻髮悵望江山獨把杯一掬當年知己淚秋風灑盡下西臺
雨夜

燈影西堂裏三年病惠休空山聞夜雨獨客抱春愁花鳥寒應苦星河暗
自流誰家有明月長笛倚高樓

秋興

木落關山歲暮時風雲萬里憶京師著書獨惜虞卿老懷古猶含庾信悲
海郭清砧寒近搗山樓短笛夜深吹江南秋水平如鏡祇恐無人照鬢絲
庚辰歲感事次吳宿威太守韻

消息真傳愁寐存行營舊國動星辰徒憐漢武巡遊地不見周王清路塵
別殿蓬萊花事靜芳洲鷗鷺客愁新秦淮一帶蕪城月翠螭琵琶載美人
烟霞寺一百七歲老僧

垂老猶疑寶掌翁
一龕枯坐萬山中
閉門不管春來去
芳艸滿階棲落紅
宜晚社西野席上

遲暮山林意頗同一尊
且共話年豐租傭不隨常時業
鉛槧兼收卒歲功
秋水衣巾明野色
朔雲杞菊倚寒叢
論兵策馬俱難用
只作江南白髮翁
秋日登棲雲嶺

黃落山川入望遙
行過雲嶺憶前朝
秋風廢苑悲叢棘
明月珠簾想玉簫
島嶼晴浮漁樹浦
江湖寒上海鮮橋
迢迢西崦斜陽路
惟見歸鴉趁暮樵
聞顧子重過五畝山自杭歸歎叙數日

桐花吹雨惜殘春
滿地江湖見隱淪
短筇輕舟終遠去
白雲春艸喚愁新
画牛事已知弘景
學稼心常憶子真
山月一罇談未了
夜深猶照病閒人
蓮井

銀牀露下夜如何
鼻觀生香淨不波
性水真空無熱惱
定光院裏月明多
過孫山人故居二首

溪邊野竹映寒沙
茆屋青山處士家
燕子晴來寒食雨
春風開遍野棠花
歌殘挂樹小山空
野雀孤棲自一叢
萬里中原歸不得
空餘長劍臥秋風

楚江秋曉次石田翁韻

三首

睡起長年報水程
江花無數傍船明
漢陽人語舟橫渡
夏口雞鳴月近城
寂寞陣圖諸葛計
支離心事杜鵑行
却從歲序悲黃葉
一夜湘潭白髮生
艸寒霜渚夢悠悠
御嶽西風落木秋
病裏斷猿司馬淚
吟餘殘月仲宣樓
自憐江漢猶遲暮
誰採芙蓉寄遠游
鴻雁一行斜不度
水光山色滿汀洲
山川搖落露華晞
野寺鳴鐘破曙暉
千里人烟江郭靜
數聲漁笛水禽飛
寒催刀尺風霜早
日遠關河信息稀
叢菊又開身在客
長沙誰念未成衣

舟還二首

東家西家看竹南
寺北寺題詩欲問
出門高興山中緩
崔幽期
晚筆青山剩語春
沙白鷺餘杯兩岸
落花芳艸滿船明
月啼來

方洲張公二姬雙節二首

交剪雲鬟爲主恩
鏡臺花落洗頭盆
同心待死芳洲上
霜月寥寥夜到門
綺素沉沉抱所天
死心已在剪刀前
主家樓上孤燈淚
同灑秋風四十年

道興

白雲流水度虛屏
小坐池邊眼自醒
春事不知渾入夏
青蟲無力墮槐庭

平望道中

兩岸青山日半街，洞庭天水碧相涵。
東風正報桃花信，湖面歸漁網作帆。

臨終詩

一夜小牀前，燈花雨中結。
我欲照浮生，一笑生滅滅。

魯山泰公

昔泰字魯山，號野庵。秦人深禪觀，嗜儒學。
嘗游淮涉江，讀書鍾山寺，授易鄖縣。
宿留襄陽雲夢間，還京師，住西長安之興隆寺。
題詩壁間云：鳥棲匠氏難求，木僧住樵夫不到。
山楊君謙與而訪之一見，連日夜語，不去。沈石田爲畫楊君謙僧普泰雪夜談玄圖，山水爲石田，畫中第一。
魯山詩集君謙選定王濟之爲序。

自誠

眼將眈眈就，耽腸覺饑。卽食物我陳，兩間化母均。
埏埴人唯艸，一莖隨時恣。生息百年苦，無多矻矻勞。
心力龍駒駘，良材翡翠傷。羽翼賢哉塞，上翁心不計得失。

春有冬

千年春有冬于日朝有夕漂泊旅亭人忽爾歸來客堂堂七尺軀明明夢
窟宅青史數行字荒丘一片石人間竟無賴地下終何益但圖此生客入
穴免逼迫若知簪心術無欲乃良策

懷南山舊居

我本山中人却來城市住一違猿鶴思于誰誰令鎖烟霞蒼苔滋
石路欲歸歸未得花落春光暮

過牛頭寺

行過多岐又問岐雲林深處到來遲寺僧相見不相語自對斜陽讀斷碑

悼竹岩處士

竹陰山色鬱葱葱厭厭俗編茅向此中花謝水流人不返蛛絲空罥半窗風

寄楊君謙二首

都下聞歸雁江東憶故人高山千里夢芳艸十年春吟苦先催老心安却
耐貧吳門他日過書院許誰鄰

吏隱千年遠南峰事竟同鑑容依石水熏珮度花風林霽牀頭濕崖泉厨
下通紛紛塵世念不入此山中

足獻吉秋風南北路相別寺門前之句

身世本如寄去留俱灑然秋風南北路相別寺門前

韓亞卿德夫去官還陝

秋日泊沙灣君行早晚還分違無限意流水不相關

寄廣川準無則

白雲紅樹對離情秋意微茫盡不成吟就新詩書落葉憑風吹過德州城

茶盆山先師藍塔

一出烟霞失所依重來生死路相違猊牀尚設龍蛛網風度柴門葉亂飛

牡丹

十年不見此花開寶地芬芳我獨來坐賞東風詩未就鐘聲催上說經臺

秋江湛公

文湛字秋江海鹽天寧寺僧族姓顧有江海群英集行世

寓南高峰懷友

庵住南峰下四簷松竹青月常陪入定猿或聽談經池近涼生楊山高影

落庭故人在何處詩酒醉蘭亭

春盡

斜陽穿樹林野屋臨溪水春盡不開門花落空山裏

題月堂精舍

雨後青苔路不分柴門竹裏映斜曛松花落盡無人到只有山童埽白雲

西湖雜詠

宋家宮闕已蕭蕭滿目殘陽照野蒿獨有兩峰青不了至今南北插雲高

綠楊紫燕圖

紫燕雙雙掠水濱綠楊嫋嫋不勝春朱門華屋知多少認得誰家是主人

題畫芙蓉

江邊誰種木芙蓉寂寞芳姿照水紅莫怪秋來更多怨年年不得見春風

漁婦詞

阿儂住在太湖邊出沒烟波二十年不願即身做官去願即撒網養鴛鴦

大巍禪師倫公

淨倫昆明康氏子正統庚申出家禮太華無極泰和尚受禪學天順癸未得法于浮山古庭堅公成化乙酉卓錫郛城東隅開建萬福禪刹謝事退

居西軒之竹室與天童懷讓同時並闡宗風

松陰小憩

風來石上松僧坐松下石洗鉢將煮茶溪流漾晴碧

本虛讓公

懷讓字本虛越人成化間住四明天童寺與楊南峰有詩酬和能詩而未免入俗

尋竹隱寺

聞鐘識寺遙小逕緣雲入日暮冒嵐歸秋衣不知濕

斗室

幽軒構得寬于斗車馬紅塵不許通柱底祇能藏酒甕壁間聊足掛詩筒雨聲到枕巡簷響花影橫窗滿榻紅莫笑貧居苦塌窄乾坤都在一壺中

石窗珉

德珉字伯貞號石窗嘉興人洪熙間居虎丘後住徑山

廣陵道中夜行有懷故園諸友

潮落空江月滿洲夜涼沙際淡螢流人家遠近迷烟樹燈火微茫映客舟

列朝詩集閩二

全五

露下蒹葭歇岸夕風驚絡緯野籬秋天
涯聚散相知少惆悵蓬窗憶舊遊
友桂史隱君挽詩明古之父

宗圖

字妙觀吳興人

茅茨不剪小亭幽白芷紅蘭已自秋
斜日一溪楊柳靜水禽飛上釣魚舟

寶明

字月舟蘇州人治平寺僧

東林烟月舊松蘿無復君來對酒歌
千箇芭蕉萬竿竹相思一夜雨聲多

次沈陶庵題石田有竹莊韻

三首

吳僧定徵

定徵字起宗徐髯仙有哀定徵詩云起宗肉食相齒不啖蔬甲時時聳吟
肩為怕袈裟壓締思回文中百千演讀法頗取匏庵重文字交最洽奈何
圓寂發明鏡掩塵匣

移家種竹楊湖上半似湘川半輞川詩好日嘗題節下酒酣時復臥根邊
掃門延客還開運煮笋供茶或試泉我記別來今十載出林添得幾梢烟
吳僧善誘

江南隱者人不識沈東林勝杜樊川雲深樹老空山裏日暮舟橫野渡邊

繞屋苔長迷曲徑當門花落就流泉一藤來果敲詩約坐斷爐頭楷拙烟

廣原

字本清號月庵錢塘人住長于報恩寺

卜得幽居地勢偏風光別是一山川白鷗新水釣簾外鳥目斜陽挂頰邊
繞屋比隣留野竹清心琴筑倚寒泉隔溪西崦禪林近嘗聽鐘聲出暮烟
果庵

題張果老騎驢圖

舉世多少人無如這老漢不是倒騎驢凡事回頭看

古淵

古淵字慧深黃梅人

題松雪山水

雪後潮痕上釣磯江南天水一絲微萋萋芳艸迷禾黍何事王孫尚不歸
破窗題

明顯俗名吳峰幼落髮歙縣定光院自稱破窗和尚海寧董山人來遊齊
雲巖投院見峰一言深契定方外交山人歎曰得見高僧何必見名岳也
翻然而歸後以養母辭院所爲詩往往不忘元境王賓曰破窗詩若已來

親眼見難去對人言古來詩僧亦未有此

對琴

對琴不見琴忘琴聽琴響坐久聽亦無雲飛樹尖上

入寺

碧艸通樵徑青松夾寺門已來親眼見難去對人言

石林瑛公

永瑛字舍章號石林雜染于海鹽天寧寺有集一卷

山居志感二首

江鷗只馴水野鶴不受籠孰云游方士肯爲塵所蒙風清紫芝谷月白青蓮峰學道歲未晚尋師吾遠從

嘉蔬植我園好鳥巢我樹樹枯鳥驚棲園荒蔬委路寒氣肅山林新芳颯然故物理有固然於何起欣惡

題院壁

自愛青山常住家銅瓶閒煮壑源茶春深白日巖扉靜坐看蛛絲自落花

聞潮

閒倚青松讀古詩
杭標雪畫舊相知
山僧不刻蓮花漏
潮山江門報午晴

柳塘

千樹垂絲兩岸烟
綠波春雨白鷗天
江鄉不近章臺路
留得長條繫釣船

宿夢石房

坐久青燈結暈紅
紙窗寒逗落花風
西齋試與吟春艸
夜半開門月正中

平野襄公

戒襄字子成號平野
海鹽天寧寺僧石林
瑛公之法孫有禪餘集

長安壩河道中

三月臨平山下宿
沙棠一舟帆數幅
清晨鼓柁看山行
兩岸人家春水綠
岸上人家挂酒旗
幾樹桃花映修竹
路人問我將何之
我欲尋師向天竺

曉過橫塘

半幅蒲帆九里汀
石湖秋水接天青
舟人指點蘆蕪外
一帶青山是洞庭

半峰斌

果斌字半峰嘉靖初
住南京天界寺顧華
玉與陳魯南東云
今春屏居墓田前
通古道可步尋諸
寺有福全古壘果
斌諸僧談禪和詩
皆有能事

王十嶽金平淵山寮避暑

小隱空山絕四隣野雲孤霍自相親誰知一逕深如許猶有敲門看竹人
懶雲周

明周號懶雲潞安人住持法住寺除夕詩爲謝茂秦所稱

送人還壺關

林花未吐怯輕寒人在天涯送客還千里好山迎馬首白雲飛處是壺關
都門除夕

早眠輕節序垂老倦精神半夜兩年夢孤燈千里身鉢分新歲飯衣拂舊
時塵後飲屠蘇者其如感歎頻

冬谿澤公

方澤字雲望後稱冬谿號無參族姓任嘉善人入精嚴寺雜染嗣法於濟
法舟戒學俱高稟性穎拔日誦萬餘言詩偈文字下筆無碍一時名士若
唐荆川張王屋方棠陵陸五臺皆敬禮之有華嚴要略二卷內外集八卷
送吳山人

落葉滿江邊秋風急暮蟬我思天姥寺君上洞庭船東帛丘園少徵兵澤

國連不知方處士鍾藥幾時仙

庚午除夕

何處鼓逢逢虛堂獨坐中雨寒難帶雪雲厚不隨風此歲既消去餘生寧未空臨堦看燎火亦復趣兒童

西天目高峰塔院

千丈巖扉不易登真身長閼最高層日中乍見馴簷鳥雲外時逢禮塔僧行道石邊紛異州掛事松上結長藤青年卽有棲遲約白首誰知尚未能除夜對雪

江城燎火正凝霞密雪旋迷十萬家却向蘊邊飛作雨偶經燈畔落成花力侵衣絮心同冷光映窗紗髮並華詰旦祝禱先有瑞會從龍象曳袈裟

獨坐

平時懷獨往垂老患餘身林藪常疑曉山暄每過春月來初有客雲去乍無隣獨喜堦前鳥忘機旦暮聊

寄西洲

楓落吳江雁影斜燕臺客子未還家可能別有春風在消得秋霜兩鬢華

送玄岳入京

故人多半在燕京，病裏逢君話北征。可是秋來無定力，千重離思一時生。

漢中卽事

寒逼西堂布被重，江頭楓葉想應紅。天明自起看霜色，不在江頭在鏡中。

月川澄公

鎮澄字空印，號月川，燕之西山人。

不二樓

談經人在翠微中，縹緲烟霏隔幾重。欲寄此心無可托，長隨片月挂西峯。

正念

正念字西洲，出家嘉禾龍洲寺。曾以詩中式，領袖天下禪林有集，不傳。

燕京春暮寄山中人二首

鳥鳴不鳴山靜，花落未落春遲。美人如雲天際，勺藥空留一枝。

蠶熟桑桑更綠，鶯啼小麥初黃。喫餅且隨燕薊，綠絲空憶荆楊。

明曠

明曠字公朗，語溪人。入西林寺，雜染風神秀雅，爲沈嘉則所重，惜其早世。

曉起

幾點星猶在樹成群鴉已出村最是依微梵火居然掩映松門

列朝詩集

閩集第二